

Rigveda Mandala 6

——
ऋग्वेदः मण्डलं ६

——
Document Information



Text title : Rigveda Mandalam 6

File name : r06.itx

Category : veda, rigveda, svara

Location : doc_veda

Author : Vedic Tradition

Transliterated by : 1. Source: Aufrecht/van Nooten/Holland (Samhita), 2. Final transliteration:

Detlef Eichler

Proofread by : Detlef Eichler detlefeichler at gmail.com

Latest update : July 2, 2013

Send corrections to : detlefeichler@googlemail.com, sanskrit@cheerful.com


This text is prepared by volunteers and is to be used for personal study and research. The file is not to be copied or reposted without permission, for promotion of any website or individuals or for commercial purpose.

Please help to maintain respect for volunteer spirit.

Please note that proofreading is done using Devanagari version and other language/scripts are generated using **sanscript**.

January 21, 2023

sanskritdocuments.org



ऋग्वेदः मण्डलं ६



त्वं ह्यग्ने प्रथमो मनोतास्या धियो अभवो दस्म होता ।
त्वं सीं वृषन्नृणोर्दुष्टरीतु सहो विश्वस्मै सहसे सह्यै ॥ ६.००१.०१
अथा होता न्यसीदो यजीयानिळस्पद इषयन्नीड्यः सन् ।
तं त्वा नरः प्रथमं देवयन्तो महो राये चितयन्तो अनु ग्मन् ॥ ६.००१.०२
वृतेव यन्तं बहुभिर्वसव्यैस्त्वे रयिं जागृवांसो अनु ग्मन् ।
रुशन्तमग्निं दर्शतं बृहन्तं वपावन्तं विश्वहा दीदिवांसम् ॥ ६.००१.०३
पदं देवस्य नमसा व्यन्तः श्रवस्यवः श्रव आपन्नमृक्तम् ।
नामानि चिद्दधिरे यज्ञियानि भद्रायां ते रणयन्त संदृष्टौ ॥ ६.००१.०४
त्वां वर्धन्ति क्षितयः पृथिव्यां त्वां राय उभयासो जनानाम् ।
त्वं त्राता तरणे चेत्यो भूः पिता माता सदमिन्मानुषाणाम् ॥ ६.००१.०५
सपर्येण्यः स प्रियो विश्वश्निर्होता मन्द्रो नि षसादा यजीयान् ।
तं त्वा वयं दम आ दीदिवांसमुप जुबाधो नमसा सदेम ॥ ६.००१.०६
तं त्वा वयं सुध्यो नव्यमग्ने सुम्रायव ईमहे देवयन्तः ।
त्वं विशो अनयो दीद्यानो दिवो अग्ने बृहता रोचनेन ॥ ६.००१.०७
विशां कविं विश्वपतिं शश्वतीनां नितोशनं वृषभं चर्षणीनाम् ।
प्रेतीषणिमिषयन्तं पावकं राजन्तमग्निं यजतं रयीणाम् ॥ ६.००१.०८
सो अग्र ईजे शशमे च मर्तो यस्त आनट् समिधा हव्यदातिम् ।
य आहुतिं परि वेदा नमोभिर्विश्वेत्स वामा दधते त्वोतः ॥ ६.००१.०९
अस्मा उ ते महि महे विधेम नमोभिरग्ने समिधोत हव्यैः ।
वेदी सूनो सहसो गीर्भिरुक्थैरा ते भद्रायां सुमतौ यतेम ॥ ६.००१.१०
आ यस्ततन्थ रोदसी वि भासा श्रवोभिश्च श्रवस्यश्स्तरुत्रः ।
बृहद्विर्वाजैः स्थविरेभिरस्मे रेवद्विरग्ने वितरं वि भाहि ॥ ६.००१.११

नृवद्वसो सदमिद्धेह्यस्मे भूरि तोकाय तनयाय पश्वः ।
 पूर्वीरिषो बृहतीरारेअघा अस्मे भद्रा सौश्रवसानि सन्तु ॥ ६.००१.१२
 पुरूण्यग्ने पुरुधा त्वाया वसूनि राजन्वसुता ते अश्याम् ।
 पुरूणि हि त्वे पुरुवार सन्त्यग्ने वसु विधते राजनि त्वे ॥ ६.००१.१३
 त्वं हि क्षैतवद्यशोऽग्ने मित्रो न पत्यसे ।
 त्वं विचर्षणे श्रवो वसो पुष्टिं न पुष्यसि ॥ ६.००२.०१
 त्वां हि ष्मा चर्षणयो यज्ञेभिर्गीर्भिरीळते ।
 त्वां वाजी यात्यवृको रजस्तूर्विश्वचर्षणिः ॥ ६.००२.०२
 सजोषस्त्वा दिवो नरो यज्ञस्य केतुमिन्धते ।
 यद्ध स्य मानुषो जनः सुम्रायुर्जुह्वे अध्वरे ॥ ६.००२.०३
 ऋधद्यस्ते सुदानवे धिया मर्तः शशमते ।
 ऊती ष बृहतो दिवो द्विषो अंहो न तरति ॥ ६.००२.०४
 समिधा यस्त आहुतिं निशितिं मर्त्यो नशत् ।
 वयावन्तं स पुष्यति क्षयमग्ने शतायुषम् ॥ ६.००२.०५
 त्वेषस्ते धूम ऋण्वति दिवि षञ्छुक्र आततः ।
 सूरौ न हि द्युता त्वं कृपा पावक रोचसे ॥ ६.००२.०६
 अथा हि विक्ष्वीडोऽसि प्रियो नो अतिथिः ।
 रणवः पुरीव जूर्यः सूनूर्न त्रययाय्यः ॥ ६.००२.०७
 ऋत्वा हि द्रोणे अज्यसेऽग्ने वाजी न कृत्यः ।
 परिज्मेव स्वधा गयोऽत्यो न ह्यार्यः शिशुः ॥ ६.००२.०८
 त्वं त्या चिदच्युताग्ने पशुर्न यवसे ।
 धामा ह यत्ते अजर वना वृश्चन्ति शिक्कसः ॥ ६.००२.०९
 वेषि ह्यध्वरीयतामग्ने होता दमे विशाम् ।
 समृधो विशपते कृणु जुषस्व हव्यमङ्गिरः ॥ ६.००२.१०
 अच्छा नो मित्रमहो देव देवानग्ने वोचः सुमतिं रोदस्योः ।
 वीहि स्वस्तिं सुक्षितिं दिवो नृन्दिषो अंहांसि दुरिता तरेम ता तरेम तवावसा तरेम ॥
 ६.००२.११

अग्ने॑ स॒ क्षे॒ष॒द॒त॒पा॒ ऋ॒ते॒जा॒ उ॒रु॒ ज्योति॑र्नशते दे॒व॒यु॒ष्टे ।
 यं त्वं॑ मि॒त्रेण॑ वरुणः स॒जोषा॑ दे॒व॒ पा॒सि॒ त्यज॑सा॒ मर्त॑मंहः ॥ ६.००३.०१
 ई॒जे॒ य॒ज्ञेभिः॑ श॒श॒मे॒ श॒मीभि॑र्ऋ॒ध॒द्वारा॑या॒ग्रये॑ ददाश ।
 ए॒वा॒ च॒न॒ तं॒ य॒श॒सा॒म॒जु॒ष्टिर्ना॑हो॒ मर्त॑ नशते न प्र॒दृ॒प्तिः ॥ ६.००३.०२
 सू॒रो॒ न॒ य॒स्य॑ दृ॒श॒ति॒र॒रे॒पा॒ भी॒मा॒ यदे॑ति शु॒च॒त॒स्त॒ आ॒ धीः ।
 हे॒ष॒स्व॒तः॑ शु॒रु॒धो॒ ना॒य॒म॒क्तोः॑ कु॒त्रा॒ चि॒द्र॒ण्वो॒ व॒स॒ति॒र्व॒ने॒जाः ॥ ६.००३.०३
 ति॒ग्मं॑ चि॒दे॒म॒ महि॑ व॒पो॒ अ॒स्य॑ भ॒स॒द॒श्वो॒ न॒ य॒म॒सा॒न॒ आ॒सा॒ ।
 वि॒जे॒ह॒मा॒नः॑ प॒र॒शु॒र्न॒ जि॒ह्वां॑ द्र॒वि॒र्न॒ द्रा॒व॒य॒ति॒ दा॒रु॒ ध॒क्ष॒त् ॥ ६.००३.०४
 स॒ इ॒द॒स्ते॒व॒ प्र॒ति॒ धा॒द॒सि॒ष्य॒ञ्छि॒शी॒त॒ ते॒जो॑ऽय॒सो॒ न॒ धा॒राम् ।
 चि॒त्र॒ध्र॒ज॒ति॒र॒र॒ति॒र्यो॑ अ॒क्तो॑र्व॒र्न॒ द्रु॒ष॒द्वा॒ र॒घु॒प॒त्म॒जं॒हाः ॥ ६.००३.०५
 स॒ ई॒ रे॒भो॒ न॒ प्र॒ति॒ व॒स्त॒ उ॒स्राः॑ शो॒चि॒षा॑ रा॒र॒पी॒ति॒ मि॒त्र॒म॒हाः ।
 न॒क्तं॑ य॒ ई॒म॒रु॒षो॒ यो॒ दि॒वा॒ नृ॒न॒म॒त्यो॑ अ॒रु॒षो॒ यो॒ दि॒वा॒ नृ॒न् ॥ ६.००३.०६
 दि॒वो॒ न॒ य॒स्य॑ वि॒ध॒तो॒ न॒वी॒नो॒द्वृषा॑ रु॒क्ष॒ ओष॑धीषु नू॒नो॒त् ।
 घृ॒णा॒ न॒ यो॒ ध्र॒ज॒सा॑ प॒त्म॒ना॒ य॒न्ना॒ रो॒द॒सी॒ व॒सु॒ना॒ दं॒ सु॒प॒त्नी ॥ ६.००३.०७
 धा॒यो॒भि॒र्वा॒ यो॒ यु॒ज्यै॒भि॒र॒कै॑र्वि॒द्यु॒न्न॒ द॒वि॒द्यो॒त्स्वे॒भिः॑ शु॒ष्मैः ।
 श॒धो॑ वा॒ यो॒ म॒रु॒ता॑ त॒त॒क्ष॒ ऋ॒भु॒र्न॒ त्वे॒षो॒ र॒भ॒सा॒नो॒ अ॒द्यौ॒त् ॥ ६.००३.०८
 यथा॑ हो॒त॒र्म॒नु॒षो॒ दे॒व॒ता॒ता॒ य॒ज्ञे॒भिः॑ सू॒नो॒ स॒ह॒सो॒ य॒जा॒सि॒ ।
 ए॒वा॒ नो॑ अ॒द्य॒ स॒म॒ना॒ स॒मा॒ना॒नु॒श॒न्न॒ग्न॑ उ॒श॒तो॒ य॒क्षि॑ दे॒वान् ॥ ६.००४.०१
 स॒ नो॑ वि॒भा॒वा॒ च॒क्ष॒णि॒र्न॒ व॒स्तो॒र॒ग्नि॑र्व॒न्दारु॑ वे॒द्य॒श्च॒नो॑ धा॒त् ।
 वि॒श्वा॒यु॒र्यो॑ अ॒मृ॒तो॒ म॒त्यै॑षू॒ष॒र्भु॒द्भू॒द॒ति॒थि॒र्जा॒त॒वे॒दाः ॥ ६.००४.०२
 द्या॒वो॒ न॒ य॒स्य॑ प॒न॒य॒न्त्य॒भ्वं॑ भा॒सा॑सि व॒स्ते॒ सू॒र्यो॑ न शु॒क्रः ।
 वि॒ य॒ इ॒नो॒त्य॒जरः॑ पा॒व॒को॑ऽश्र॒स्य॑ चि॒च्छि॒श्र॒थ॒त्पू॒र्व्या॑णि ॥ ६.००४.०३
 व॒द्वा॒ हि॒ सू॒नो॒ अ॒स्य॑द्व॒स॒द्वा॒ च॒क्रे॑ अ॒ग्नि॑र्ज॒नु॒षा॒ज्मा॒न्न॒म् ।
 स॒ त्वं॑ न॒ ऊ॒र्ज॑स॒न॒ ऊ॒र्जं॑ धा॒ राजे॑व॒ जे॒र॒वृ॒के॑ क्षे॒ष्य॒न्तः ॥ ६.००४.०४
 नि॒ति॒क्ति॑ यो॒ वा॒र॒ण॒म॒न्न॒म॒त्ति॑ वा॒यु॒र्न॒ रा॒ष्ट्र॒त्ये॒त्य॒कू॒न् ।
 तु॒र्या॒म॒ य॒स्त॑ आ॒दि॒शा॒म॒रा॒ती॒र॒त्यो॑ न॒ हु॒तः॑ प॒त॒तः॑ प॒रि॒हु॒त् ॥ ६.००४.०५
 आ॒ सू॒र्यो॑ न॒ भा॒नु॒म॒द्वि॒र॒कै॑र॒ग्ने॒ त॒त॒न्थ॑ रो॒द॒सी॒ वि॒ भा॒सा॒ ।

चि॒त्रो न॒य॒त्परि॑ तमा॒स्य॒क्तः शो॒चिषा॑ प॒त्म॒न्नौशि॒जो न दी॒यन् ॥ ६.००४.०६
त्वां हि॒ म॒न्द्र॒तम॒मर्क॑शो॒कैर्वृ॒महे॒ महि॒ नः श्रो॒ष्य॒ग्ने ।
इन्द्रं॑ न॒ त्वा श॒वसा॑ दे॒वता॑ वा॒युं पृ॒णन्ति॑ रा॒धसा॑ नृ॒तमाः ॥ ६.००४.०७
नू नो॑ अ॒ग्नेऽवृ॒केभिः॑ स्व॒स्ति वे॒षि रा॒यः प॒थिभिः॑ प॒र्ष्यहः॑ ।
ता सू॒रिभ्यो॑ गृ॒णते॑ रा॒सि सु॒म्रं म॒देम॑ श॒तहि॒माः सु॒वीराः ॥ ६.००४.०८
हुवे॑ वः सू॒नुं स॒हसो॑ यु॒वान॒मद्रो॑घवाचं॒ मति॑भि॒र्यवि॑ष्ठम् ।
य इ॒न्वति॑ द्र॒विणा॑नि प्र॒चेता॑ वि॒श्ववारा॑णि पु॒रुवारी॑ अ॒धृक् ॥ ६.००५.०१
त्वे व॒सूनि॑ पु॒र्वणी॑क हो॒तर्दो॑षा व॒स्तोरे॑रिरे॒ यज्ञि॑यासः ।
क्षामे॑व वि॒श्वा भु॒वनानि॑ यस्मि॒न्सं सौ॒भगा॑नि दधि॒रे पा॒वके ॥ ६.००५.०२
त्वं वि॒क्षु प्र॒दिवः॑ सी॒द आ॒सु ऋ॒त्वा र॒थीर॑भवो वा॒र्याणाम् ।
अत॑ इ॒नोषि॑ वि॒धते॑ चि॒कित्वो॑ व्या॒नुष॑ग॒जात॒वेदो॑ व॒सूनि ॥ ६.००५.०३
यो नः॑ स॒नुत्यो॑ अ॒भिदा॑सद॒ग्ने यो अ॒न्तरो॑ मि॒त्रम॒हो व॒नुष्या॑त् ।
तम॒जरे॑भि॒र्वृष॑भि॒स्तव॑ स्वै॒स्तपा॑ तपि॒ष्ठ तप॑सा॒ तप॑स्वान् ॥ ६.००५.०४
यस्ते॑ य॒ज्ञेन॑ स॒मिधा॑ य उ॒क्थैर॑र्केभिः॒ सूनो॑ स॒हसो॑ ददा॒शत् ।
स म॒त्येष्व॑मृत॒ प्रचे॑ता रा॒या द्यु॒म्नेन॑ श्रव॒सा वि॒ भाति ॥ ६.००५.०५
स तत्कृ॑धी॒षित॑स्तू॒यम॒ग्ने स्पृ॒धो बा॒धस्व॑ स॒हसा॑ स॒हस्वान् ।
यच्छ॑स्य॒से द्यु॒भिर॑क्तो व॒चोभि॑स्त॒ञ्जुष॑स्व ज॒रितु॑र्घो॒षि म॒न्म ॥ ६.००५.०६
अ॒श्याम॑ तं का॒मम॒ग्ने तवो॑ती अ॒श्याम॑ र॒यिं र॒यिवः॑ सु॒वीर॑म् ।
अ॒श्याम॑ वा॒जम॑भि॒ वा॒जय॑न्तोऽश्याम॒ द्यु॒म्रम॑ज॒राज॑र॒ ते ॥ ६.००५.०७
प्र न॒व्यसा॑ स॒हसः॑ सू॒नुम॑च्छा॒ यज्ञे॑न गा॒तुम॑व इ॒च्छ॒मानः॑ ।
वृ॒श्चद्व॑नं कृ॒ष्णया॑मं रु॒शन्तं॑ वी॒ती हो॒तारं॑ दि॒व्यं जि॒गाति ॥ ६.००६.०१
स श्वि॑तान॒स्तन्य॑तू रो॒चन॑स्था अ॒जरे॑भिर्ना॒नद॑द्वि॒र्यवि॑ष्ठः ।
यः पा॒वकः॑ पु॒रुत॑मः पु॒रूणि॑ पृ॒थून् य॒ग्निर॑नु॒याति॑ भ॒र्वन् ॥ ६.००६.०२
वि ते॑ वि॒ष्वग्वा॑तजू॒तासो॑ अ॒ग्ने भा॑मासः शु॒चे शु॒चय॑श्चरन्ति ।
तु॒वि॒म्र॒क्षासो॑ दि॒व्या न॒वग्वा॑ वना॒ वन॑न्ति धृ॒षता॑ रु॒जन्तः॑ ॥ ६.००६.०३
ये ते॑ शु॒क्रासः॑ शु॒चयः॑ शु॒चिष्मः॑ क्षां व॒पन्ति॑ वि॒षिता॑सो अ॒श्वः ।
अ॒ध भ्र॑मस्त॒ उर्वि॑या वि॒ भाति॑ या॒तय॑मानो॒ अधि॑ सानु॒ पृ॒श्नेः ॥ ६.००६.०४

अध जिह्वा पापतीति प्र वृष्णो गोषुयुधो नाशनिः सृजाना ।
 शूरस्येव प्रसितिः क्षातिरग्नेर्दुर्वतुर्भीमो दयते वनानि ॥ ६.००६.०५
 आ भानुना पार्थिवानि ज्रयांसि महस्तोदस्य धृषता ततन्थ ।
 स बाधस्वाप भया सहोभिः स्पृधो वनुष्यन्वनुषो नि जूर्व ॥ ६.००६.०६
 स चित्र चित्रं चितयन्तमस्मे चित्रक्षत्र चित्रतमं वयोधाम् ।
 चन्द्रं रयिं पुरुवीरं बृहन्तं चन्द्रं चन्द्राभिर्गृणते युवस्व ॥ ६.००६.०७
 मूर्धानं दिवो अरतिं पृथिव्या वैश्वानरमृत आ जातमग्निम् ।
 कविं सम्राजमतिथिं जनानामासन्ना पात्रं जनयन्त देवाः ॥ ६.००७.०१
 नाभिं यज्ञानां सदनं रयीणां महामाहावमभि सं नवन्त ।
 वैश्वानरं रथ्यमध्वराणां यज्ञस्य केतुं जनयन्त देवाः ॥ ६.००७.०२
 त्वद्विप्रो जायते वाज्यग्ने त्वद्वीरासो अभिमातिषाहः ।
 वैश्वानर त्वमस्मासु धेहि वसूनि राजन्स्पृहयाय्याणि ॥ ६.००७.०३
 त्वां विश्वे अमृत जायमानं शिशुं न देवा अभि सं नवन्ते ।
 तव क्रतुभिरमृतत्वमायन्वैश्वानर यत्पित्रोरदीदेः ॥ ६.००७.०४
 वैश्वानर तव तानि व्रतानि महान्यग्ने नकिरा दधर्ष ।
 यज्ञायमानः पित्रोरुपस्थेऽविन्दः केतुं वयुनेष्वहाम् ॥ ६.००७.०५
 वैश्वानरस्य विमितानि चक्षसा सानूनि दिवो अमृतस्य केतुना ।
 तस्येदु विश्वा भुवनधि मूर्धनि वया इव रुरुहुः सप्त विसुहः ॥ ६.००७.०६
 वि यो रजांस्यमिमीत सुक्रतुर्वैश्वानरो वि दिवो रोचना कविः ।
 परि यो विश्वा भुवनानि पप्रथेऽदब्धो गोपा अमृतस्य रक्षिता ॥ ६.००७.०७
 पृक्षस्य वृष्णो अरुषस्य नू सहः प्र नु वोचं विदथा जातवेदसः ।
 वैश्वानराय मतिर्नव्यसी शुचिः सोम इव पवते चारुरग्रये ॥ ६.००८.०१
 स जायमानः परमे व्योमनि व्रतान्यग्निर्व्रतपा अरक्षत ।
 व्यश्न्तरिक्षममिमीत सुक्रतुर्वैश्वानरो महिना नाकमस्पृशत् ॥ ६.००८.०२
 व्यस्तभ्राद्रोदसी मित्रो अद्भुतोऽन्तर्वावदकृणोज्योतिषा तमः ।
 वि चर्मणीव धिषणे अवर्तयद्वैश्वानरो विश्वमधत्त वृष्ण्यम् ॥ ६.००८.०३
 अपामुपस्थे महिषा अगृभ्णत विशो राजानमुप तस्थुर्ऋग्मियम् ।

आ दूतो अग्निमभरद्विवस्वतो वैश्वानरं मातरिश्वा परावतः ॥ ६.००८.०४
 युगेयुगे विदथ्यं गृणञ्चोऽग्ने रयिं यशसं धेहि नव्यसीम् ।
 पव्येव राजन्नघशंसमजर नीचा नि वृश्च वनिनं न तेजसा ॥ ६.००८.०५
 अस्माकमग्ने मघवत्सु धारयानामि क्षत्रमजरं सुवीर्यम् ।
 वयं जयेम शतिन सहस्रिणं वैश्वानर वाजमग्ने तवोतिभिः ॥ ६.००८.०६
 अदब्धेभिस्तव गोपाभिरिष्टेऽस्माकं पाहि त्रिषधस्थ सूरिन् ।
 रक्षा च नो ददुषां शर्धो अग्ने वैश्वानर प्र च तारीः स्तवानः ॥ ६.००८.०७
 अहश्च कृष्णमहरर्जुनं च वि वर्तेते रजसी वेद्याभिः ।
 वैश्वानरो जायमानो न राजावातिरञ्ज्योतिषाग्निस्तमांसि ॥ ६.००९.०१
 नाहं तन्तुं न वि जानाम्योतुं न यं वयन्ति समरेऽतमानाः ।
 कस्य स्वित्पुत्र इह वक्तानि परो वदात्यवरेण पित्रा ॥ ६.००९.०२
 स इत्तन्तुं स वि जानात्योतुं स वक्तान्यृतुथा वदाति ।
 य ई चिकेतदमृतस्य गोपा अवश्चरन्परो अन्येन पश्यन् ॥ ६.००९.०३
 अयं होता प्रथमः पश्यतेममिदं ज्योतिरमृतं मर्त्येषु ।
 अयं स जज्ञे ध्रुव आ निषत्तोऽमर्त्यस्तन्वाइ वर्धमानः ॥ ६.००९.०४
 ध्रुवं ज्योतिर्निहितं दृशये कं मनो जविष्ठं पतयत्स्वन्तः ।
 विश्वे देवाः समनसः सकेता एकं ऋतुमभि वि यन्ति साधु ॥ ६.००९.०५
 वि मे कर्णा पतयतो वि चक्षुर्वीइदं ज्योतिर्हृदय आहितं यत् ।
 वि मे मनश्चरति दूराधीः किं स्विद्वक्ष्यामि किमु नू मनिष्ये ॥ ६.००९.०६
 विश्वे देवा अनमस्यन्भियानास्त्वामग्ने तमांसि तस्थिवांसम् ।
 वैश्वानरोऽवतूतये नोऽमर्त्योऽवतूतये नः ॥ ६.००९.०७
 पुरो वो मन्द्रं दिव्यं सुवृक्तिं प्रयति यज्ञे अग्निमध्वरे दधिध्वम् ।
 पुर उक्थेभिः स हि नो विभावा स्वध्वरा करति जातवेदाः ॥ ६.०१०.०१
 तमु द्युमः पुर्वणीक होतरग्ने अग्निभिर्मनुष इधानः ।
 स्तोमं यमस्मै ममतेव शूषं घृतं न शुचि मतयः पवन्ते ॥ ६.०१०.०२
 पीपाय स श्रवसा मर्त्येषु यो अग्रये ददाश विप्र उक्थैः ।
 चित्राभिस्तमूतिभिश्चित्रशोचिर्ब्रजस्य साता गोमतो दधाति ॥ ६.०१०.०३

आ यः पप्रौ जायमान उर्वी दूरेदृशा भासा कृष्णाध्वा ।
 अध बहु चित्तम ऊर्म्यायास्तिरः शोचिषा ददृशे पावकः ॥ ६.०१०.०४
 नू नश्चित्रं पुरुवाजाभिरूती अग्ने रयिं मघवद्भ्यश्च धेहि ।
 ये राधसा श्रवसा चात्यन्यान्सुवीर्येभिश्चाभि सन्ति जनान् ॥ ६.०१०.०५
 इमं यज्ञं चनो धा अग्न उशन्यं त आसानो जुहुते हविष्मान् ।
 भरद्वाजेषु दधिषे सुवृक्तिमवीर्वाजस्य गध्यस्य सातौ ॥ ६.०१०.०६
 वि द्वेषासीनुहि वर्धयेळां मदेम शतहिमाः सुवीराः ॥ ६.०१०.०७
 यजस्व होतरिषितो यजीयानग्ने बाधो मरुतां न प्रयुक्ति ।
 आ नो मित्रावरुणा नासत्या द्यावा होत्राय पृथिवी ववृत्याः ॥ ६.०११.०१
 त्वं होता मन्द्रतमो नो अध्रुगन्तर्देवो विदथा मर्त्येषु ।
 पावकया जुह्वा३ वह्निरासाग्ने यजस्व तन्वं१ तव स्वाम् ॥ ६.०११.०२
 धन्या चिद्धि त्वे धिषणा वष्टि प्र देवाञ्जन्म गृणते यजध्वै ।
 वेपिष्ठो अङ्गिरसां यद्ध विप्रो मधु च्छन्दो भनति रेभ इष्टौ ॥ ६.०११.०३
 अदिद्युतत्स्वपाको विभावाग्ने यजस्व रोदसी उरूची ।
 आयुं न यं नमसा रातहव्या अञ्जन्ति सुप्रयसं पञ्च जनाः ॥ ६.०११.०४
 वृञ्जे ह यन्नमसा बर्हिरग्नावयामि सुगधृतवती सुवृक्तिः ।
 अम्यक्षि सद्म सदने पृथिव्या अश्रायि यज्ञः सूर्ये न चक्षुः ॥ ६.०११.०५
 दशस्या नः पुर्वणीक होतर्देवेभिरग्ने अग्निभिरिधानः ।
 रायः सूनो सहसो वावसाना अति स्रसेम वृजनं नांहः ॥ ६.०११.०६
 मध्ये होता दुरोणे बर्हिषो राळग्निस्तोदस्य रोदसी यजध्वै ।
 अयं स सूनुः सहस ऋतावा दूरात्सूर्यो न शोचिषा ततान् ॥ ६.०१२.०१
 आ यस्मिन्त्वे स्वपाके यजत्र यक्षद्राजन्सर्वतातेव नु द्यौः ।
 त्रिषधस्थस्ततरुषो न जंहो हव्या मघानि मानुषा यजध्वै ॥ ६.०१२.०२
 तेजिष्ठा यस्मारतिर्वनेराद् तोदो अध्वन्न वृधसानो अद्यौत् ।
 अद्रोघो न द्रविता चेतति त्मन्नमर्त्योऽवर्त्र ओषधीषु ॥ ६.०१२.०३
 सास्माकेभिरेतरी न शूषैरग्निः एवे दम आ जातवेदाः ।
 द्वन्नो वन्वन्क्रत्वा नार्वोस्रः पितेव जारयायि यज्ञैः ॥ ६.०१२.०४

अध॑ स्मास्य॑ पनयन्ति॑ भासो॑ वृथा॑ यत्तक्षदनुयाति॑ पृथ्वीम् ।
 सद्यो॑ यः स्यन्द्रो॑ विषितो॑ धवीयानृणो॑ न तायुरति॑ धन्वा॑ राट् ॥ ६.०१२.०५
 स त्वं नो॑ अर्वन्निदाया॑ विश्वेभिरग्ने॑ अग्निभिरिधानः॑ ।
 वेषि॑ रायो॑ वि यासि॑ दुच्छुना॑ मदेम॑ शतहिमाः॑ सुवीराः॑ ॥ ६.०१२.०६
 त्वद्विश्वा॑ सुभग॑ सौभगान्यग्ने॑ वि यन्ति॑ वनिनो॑ न वयाः॑ ।
 श्रुष्टी॑ रयिर्वाजो॑ वृत्रतूर्ये॑ दिवो॑ वृष्टिरीड्यो॑ रीतिरपाम् ॥ ६.०१३.०१
 त्वं भगो॑ न आ हि॑ रत्नमिषे॑ परिज्मेव॑ क्षयसि॑ दस्मवर्चाः॑ ।
 अग्ने॑ मित्रो॑ न बृहत॑ ऋतस्यासि॑ क्षत्ता॑ वामस्य॑ देव॑ भूरैः ॥ ६.०१३.०२
 स सत्पतिः॑ शवसा॑ हन्ति॑ वृत्रमग्ने॑ विप्रो॑ वि पणे॑र्भर्ति॑ वाजम् ।
 यं त्वं प्रचेत॑ ऋतजात॑ राया॑ सजोषा॑ नत्रापां॑ हिनोषि॑ ॥ ६.०१३.०३
 यस्ते॑ सूनो॑ सहसो॑ गीर्भिरुक्थैर्यज्ञैर्मतो॑ निशिति॑ वेद्यानट् ।
 विश्वं॑ स देव॑ प्रति॑ वारमग्ने॑ धत्ते॑ धान्यं॑ पत्यते॑ वसव्यैः ॥ ६.०१३.०४
 ता नृभ्य॑ आ सौश्रवसा॑ सुवीराग्ने॑ सूनो॑ सहसः॑ पुष्यसे॑ धाः ।
 कृणोषि॑ यच्छवसा॑ भूरि॑ पश्वो॑ वयो॑ वृकायारये॑ जसुरये ॥ ६.०१३.०५
 वद्वा॑ सूनो॑ सहसो॑ नो विहाया॑ अग्ने॑ तोकं॑ तनयं॑ वाजि॑ नो दाः ।
 विश्वाभिर्गीर्भिरभि॑ पूर्तिमश्यां॑ मदेम॑ शतहिमाः॑ सुवीराः॑ ॥ ६.०१३.०६
 अग्रा॑ यो मर्त्यो॑ दुवो॑ धिय॑ जुजोष॑ धीतिभिः॑ ।
 भसन्नु॑ ष प्र॑ पूर्व्य॑ इष॑ वुरीतावसे ॥ ६.०१४.०१
 अग्निरिद्धि॑ प्रचेता॑ अग्निर्वेधस्तम॑ ऋषिः॑ ।
 अग्निं॑ होतारमीळते॑ यज्ञेषु॑ मनुषो॑ विशः ॥ ६.०१४.०२
 नाना॑ ह्यग्नेऽवसे॑ स्पर्धन्ते॑ रायो॑ अर्यः॑ ।
 तूर्वन्तो॑ दस्युमायवो॑ व्रतैः॑ सीक्षन्तो॑ अत्रतम् ॥ ६.०१४.०३
 अग्निरप्सामृतीषहं॑ वीरं॑ ददाति॑ सत्पतिम् ।
 यस्य॑ त्रसन्ति॑ शवसः॑ संचक्षि॑ शत्रवो॑ भिया ॥ ६.०१४.०४
 अग्निर्हि॑ विद्यना॑ निदो॑ देवो॑ मर्तमुरुष्यति॑ ।
 सहावा॑ यस्यावृतो॑ रयिर्वाजेष्ववृतः ॥ ६.०१४.०५
 अच्छा॑ नो मित्रमहो॑ देव॑ देवानग्ने॑ वोचः॑ सुमतिं॑ रोदस्योः॑ ।

वीहि स्वस्तिं सुक्षितिं दिवो नृन्दिषो अहांसि दुरिता तरेम ता तरेम तवावसा तरेम ॥
६.०१४.०६

इमम् पु वो अतिथिमुषर्बुधं विश्वासां विशां पतिमृञ्जसे गिरा ।

वेतीद्विवो जनुषा कच्चिदा शुचिर्ज्योक्त्रिदत्ति गर्भो यदच्युतम् ॥ ६.०१५.०१

मित्रं न यं सुधितं भृगवो दधुर्वनस्पतावीड्यमूर्ध्वशोचिषम् ।

स त्वं सुप्रीतो वीतहव्ये अद्भुत प्रशस्तिभिर्महयसे दिवेदिवे ॥ ६.०१५.०२

स त्वं दक्षस्यावृको वृधो भूरर्यः परस्यान्तरस्य तरुषः ।

रायः सूनो सहसो मर्त्येष्व्वा छुर्दियच्छ वीतहव्याय सप्रथो भरद्वाजाय सप्रथः ॥

६.०१५.०३

द्युतानं वो अतिथिं स्वर्णरमग्निं होतारं मनुषः स्वध्वरम् ।

विप्रं न द्युक्षवचसं सुवृक्तिभिर्हव्यवाहमरतिं देवमृञ्जसे ॥ ६.०१५.०४

पावकया यश्चितयन्त्या कृपा क्षामन्नुरुच उपसो न भानुना ।

तूर्वन्न यामन्नेतशस्य नू रण आ यो घृणे न ततृषाणो अजरः ॥ ६.०१५.०५

अग्निमग्निं वः समिधा दुवस्यत प्रियम्प्रियं वो अतिथिं गृणीषणि ।

उप वो गीर्भिरमृतं विवासत देवो देवेषु वनते हि वार्यं देवो देवेषु वनते हि नो दुवः

॥ ६.०१५.०६

समिद्धमग्निं समिधा गिरा गृणे शुचिं पावकं पुरो अध्वरे ध्रुवम् ।

विप्रं होतारं पुरुवारमद्रुहं कविं सुम्रेरीमहे जातवेदसम् ॥ ६.०१५.०७

त्वां दूतमग्ने अमृतं युगेयुगे हव्यवाहं दधिरे पायुमीड्यम् ।

देवासश्च मर्तासश्च जागृविं विभुं विशपतिं नमसा नि षेदिरे ॥ ६.०१५.०८

विभूषन्नग्न उभयाँ अनु व्रता दूतो देवानां रजसी समीयसे ।

यत्ते धीतिं सुमतिमावृणीमहेऽथ स्मा नस्त्रिवरूथः शिवो भव ॥ ६.०१५.०९

तं सुप्रतीकं सुदृशं स्वश्चमविद्वांसो विदुष्टरं सपेम ।

स यक्षद्विश्वा वयुनानि विद्वान्प्र हव्यमग्निरमृतेषु वोचत् ॥ ६.०१५.१०

तमग्ने पास्युत तं पिपर्षि यस्त आनट् कवये शूर धीतिम् ।

यज्ञस्य वा निशितिं वोदितिं वा तमित्पृणक्षि शवसोत राया ॥ ६.०१५.११

त्वमग्ने वनुष्यतो नि पाहि त्वमु नः सहसावन्नवद्यात् ।

सं त्वा ध्वस्मन्वदभ्येतु पाथः सं रयिः स्पृहयाय्यः सहस्री ॥ ६.०१५.१२

अग्निर्होता गृहपतिः स राजा विश्वा वेद जनिमा जातवेदाः ।
 देवानामुत यो मर्त्यानां यजिष्ठः स प्र यजतामृतावा ॥ ६.०१५.१३
 अग्ने यदद्य विशो अध्वरस्य होतः पावकशोचे वेङ्गं हि यज्वा ।
 ऋता यजासि महिना वि यद्ब्रूह्व्या वह यविष्ठ या ते अद्य ॥ ६.०१५.१४
 अभि प्रयासि सुधितानि हि ख्यो नि त्वा दधीत रोदसी यजध्वै ।
 अवा नो मघवन्वाजसातावग्ने विश्वानि दुरिता तरेम ता तरेम तवावसा तरेम ॥
 ६.०१५.१५
 अग्ने विश्वेभिः स्वनीक देवैरूणावन्तं प्रथमः सीद योनिम् ।
 कुलायिनं घृतवन्तं सवित्रे यज्ञं नय यजमानाय साधु ॥ ६.०१५.१६
 इममु त्यमथर्ववदग्निं मन्थन्ति वेधसः ।
 यमङ्कयन्तमानयन्नमूरं श्याव्याभ्यः ॥ ६.०१५.१७
 जनिष्वा देववीतये सर्वताता स्वस्तये ।
 आ देवान्वक्ष्यमृतां ऋतावृधो यज्ञं देवेषु पिस्पृशः ॥ ६.०१५.१८
 वयमु त्वा गृहपते जनानामग्ने अकर्म समिधा बृहन्तम् ।
 अस्थूरि नो गाहपत्यानि सन्तु तिग्मेन नस्तेजसा सं शिशाधि ॥ ६.०१५.१९
 त्वमग्ने यज्ञानां होता विश्वेषां हितः ।
 देवेभिर्मानुषे जने ॥ ६.०१६.०१
 स नो मन्द्राभिरध्वरे जिह्वाभिर्यजा महः ।
 आ देवान्वक्षि यक्षि च ॥ ६.०१६.०२
 वेत्था हि वेधो अध्वनः पथश्च देवाञ्जसा ।
 अग्ने यज्ञेषु सुक्रतो ॥ ६.०१६.०३
 त्वामीळे अध द्विता भरतो वाजिभिः शुनम् ।
 ईजे यज्ञेषु यज्ञियम् ॥ ६.०१६.०४
 त्वमिमा वार्या पुरु दिवोदासाय सुन्वते ।
 भरद्वाजाय दाशुषे ॥ ६.०१६.०५
 त्वं दूतो अमर्त्य आ वहा दैव्यं जनम् ।
 शृण्वन्विप्रस्य सुष्टुतिम् ॥ ६.०१६.०६

त्वामग्ने स्वाध्वो३ मर्तासो देववीतये ।
 यज्ञेषु देवमीळते ॥ ६.०१६.०७
 तव प्र यक्षि संदृशमुत ऋतु सुदानवः ।
 विश्वे जुषन्त कामिनः ॥ ६.०१६.०८
 त्वं होता मनुर्हितो वह्निरासा विदुष्टरः ।
 अग्ने यक्षि दिवो विशः ॥ ६.०१६.०९
 अग्र आ याहि वीतये गृणानो हव्यदातये ।
 नि होता सत्सि बर्हिषि ॥ ६.०१६.१०
 तं त्वा समिद्धिरङ्गिरो घृतेन वर्धयामसि ।
 बृहच्छोचा यविष्म ॥ ६.०१६.११
 स नः पृथु श्रवाय्यमच्छा देव विवाससि ।
 बृहदग्ने सुवीर्यम् ॥ ६.०१६.१२
 त्वामग्ने पुष्करादध्यथर्वा निरमन्थत ।
 मूर्ध्नो विश्वस्य वाघतः ॥ ६.०१६.१३
 तमु त्वा दध्यङ्घ्रिषिः पुत्र ईधे अथर्वणः ।
 वृत्रहणं पुरंदरम् ॥ ६.०१६.१४
 तमु त्वा पाथ्यो वृषा समीधे दस्युहन्तमम् ।
 धनंजयं रणेरणे ॥ ६.०१६.१५
 एह्यु पु ब्रवाणि तेऽग्र इत्थेतरा गिरः ।
 एभिर्वर्धास इन्दुभिः ॥ ६.०१६.१६
 यत्र क्व च ते मनो दक्ष दधस उत्तरम् ।
 तत्रा सदः कृणवसे ॥ ६.०१६.१७
 नहि ते पूर्तमक्षिपद्भुवन्नेमानां वसो ।
 अथा दुवो वनवसे ॥ ६.०१६.१८
 आग्निरगामि भारतो वृत्रहा पुरुचेतनः ।
 दिवोदासस्य सत्पतिः ॥ ६.०१६.१९
 स हि विश्वाति पार्थिवा रयिं दाशन्महित्वना ।

व॒न्वन्न॑वातो॒ अस्तु॑तः ॥ ६.०१६.२०
 स प्र॒ल॒वन्न॑वी॒यसा॑ग्रे द्यु॒म्नेन॑ सं॒यता॑ ।
 बृ॒हत्त॑न्थ भानुना ॥ ६.०१६.२१
 प्र वः सखा॑यो अ॒ग्नये॑ स्तोमं॒ यज्ञं॑ च धृष्णु॒या ।
 अ॒र्चं गाय॑ च वे॒धसे॑ ॥ ६.०१६.२२
 स हि॑ यो मानुषा युगा सीद॒द्धोता॑ क॒विक्र॑तुः ।
 दू॒तश्च॑ ह॒व्यवा॑हनः ॥ ६.०१६.२३
 ता राजा॑ना शुचि॒व्रता॑दि॒त्यान्मारु॑तं गणम् ।
 वसो॑ यक्षी॒ह रोद॑सी ॥ ६.०१६.२४
 वस्वी॑ ते अ॒ग्रे संदृ॑ष्टि॒रिष॑यते म॒त्याय॑ ।
 ऊ॒र्जा न॑पाद॒मृत॑स्य ॥ ६.०१६.२५
 क्र॒त्वा दा॑ अस्तु श्रेष्ठोऽद्य॒ त्वा व॒न्वन्सुरे॑वणाः ।
 म॒र्त आ॑नाश सुवृ॒क्तिम् ॥ ६.०१६.२६
 ते ते॑ अ॒ग्रे त्वो॑ता इ॒षय॑न्तो विश्व॒मायुः॑ ।
 तर॑न्तो अ॒र्यो अ॑रातीर्व॒न्वन्तो॑ अ॒र्यो अ॑रातीः ॥ ६.०१६.२७
 अ॒ग्नि॒स्तिग्मे॑न शोचिषा॒ यास॑द्वि॒श्वं न्य॑श्त्रिणम् ।
 अ॒ग्नि॒र्नो व॑नते र॒यिम् ॥ ६.०१६.२८
 सु॒वीरं॑ र॒यिमा॑ भर॒ जात॑वेदो विचर्षणे ।
 ज॒हि रक्षा॑सि सु॒क्रतो॑ ॥ ६.०१६.२९
 त्वं नः॑ पा॒ह्य॒हसो॑ जात॑वेदो अघाय॒तः ।
 रक्षा॑ णो ब्रह्मणस्कवे ॥ ६.०१६.३०
 यो नो॑ अ॒ग्रे दुरे॑व आ॒ मर्तो॑ व॒धाय॑ दाशति ।
 तस्मान्नः॑ पा॒ह्य॒हसः॑ ॥ ६.०१६.३१
 त्वं तं॑ देव जिह्वया परि॒ बाध॑स्व दु॒ष्कृत॑म् ।
 म॒र्तो यो नो॑ जिघांसति ॥ ६.०१६.३२
 भ॒रद्वा॑जाय स॒प्रथः॑ शर्म॒ यच्छ॑ सहन्त्य ।
 अ॒ग्रे व॑रेण्यं वसु ॥ ६.०१६.३३

अग्निर्वृत्राणि जङ्घनद्वविणस्युर्विपन्यया ।
 समिद्धः शुक्र आहुतः ॥ ६.०१६.३४
 गर्भे मातुः पितुष्पिता विदिद्युतानो अक्षरे ।
 सीदन्नृतस्य योनिमा ॥ ६.०१६.३५
 ब्रह्म प्रजावदा भर जातवेदो विचर्षणे ।
 अग्ने यद्दीदयद्विवि ॥ ६.०१६.३६
 उप त्वा रण्वसदृशं प्रयस्वन्तः सहस्कृत ।
 अग्ने ससृज्महे गिरः ॥ ६.०१६.३७
 उप च्छायामिव घृणेरगन्म शर्म ते वयम् ।
 अग्ने हिरण्यसदृशः ॥ ६.०१६.३८
 य उग्र इव शर्यहा तिग्मशृङ्गो न वंसगः ।
 अग्ने पुरो रुरोजिथ ॥ ६.०१६.३९
 आ यं हस्ते न खादिनं शिशु जातं न बिभ्रति ।
 विशामग्निं स्वध्वरम् ॥ ६.०१६.४०
 प्र देवं देववीतये भरता वसुवित्तमम् ।
 आ स्वे योनौ नि षीदतु ॥ ६.०१६.४१
 आ जातं जातवेदसि प्रियं शिशीतातिथिम् ।
 स्योन आ गृहपतिम् ॥ ६.०१६.४२
 अग्ने युक्त्वा हि ये तवाश्वासो देव साधवः ।
 अरं वहन्ति मन्यवे ॥ ६.०१६.४३
 अच्छा नो याह्या वहाभि प्रयासि वीतये ।
 आ देवान्सोमपीतये ॥ ६.०१६.४४
 उदग्ने भारत द्युमदजस्रेण दविद्युतत् ।
 शोचा वि भाह्यजर ॥ ६.०१६.४५
 वीती यो देवं मर्तो दुवस्येदग्निमीळीताध्वरे हविष्मान् ।
 होतारं सत्ययजं रोदस्योरुत्तानहस्तो नमसा विवासेत् ॥ ६.०१६.४६
 आ ते अग्र ऋचा हविर्हृदा तष्टं भरामसि ।

ते ते भवन्तूक्षण ऋषभासो वशा उत ॥ ६.०१६.४७
 अग्नि देवासो अग्रियमिन्धते वृत्रहन्तमम् ।
 येना वसुन्याभृता तुक्हा रक्षांसि वाजिना ॥ ६.०१६.४८
 पिबा सोममभि यमुग्र तद ऊर्वं गव्यं महि गृणान इन्द्र ।
 वि यो धृष्णो वधिषो वज्रहस्त विश्वा वृत्रममित्रिया शवाभिः ॥ ६.०१७.०१
 स ई पाहि य ऋजीषी तरुत्रो यः शिप्रवान्वृषभो यो मतीनाम् ।
 यो गोत्रभिद्वज्रभृद्यो हरिष्ठाः स इन्द्र चित्रां अभि तृन्धि वाजान् ॥ ६.०१७.०२
 एवा पाहि प्रलथा मन्दतु त्वा श्रुधि ब्रह्म वावृधस्वोत गीर्भिः ।
 आविः सूर्यं कृणुहि पीपिहीषो जहि शत्रूरभि गा इन्द्र तृन्धि ॥ ६.०१७.०३
 ते त्वा मदा बृहदिन्द्र स्वधाव इमे पीता उक्षयन्त द्युमन्तम् ।
 महामनूनं तवसं विभूतिं मत्सरासो जर्हृषन्त प्रसाहम् ॥ ६.०१७.०४
 येभिः सूर्यमुषसं मन्दसानोऽवासयोऽप दृक्हानि दद्रत् ।
 महामद्रिं परि गा इन्द्र सन्त नुत्था अच्युतं सदसस्परि स्वात् ॥ ६.०१७.०५
 तव क्रत्वा तव तदंसनाभिरामासु पक्वं शच्या नि दीधः ।
 और्णोर्दुर उस्त्रियाभ्यो वि दृक्होर्दूर्वाद्वा असृजो अङ्गिरस्वान् ॥ ६.०१७.०६
 प्रप्राथ क्षां महि दंसो व्युश्वीमुप द्यामृष्वो बृहदिन्द्र स्तभायः ।
 आधारयो रोदसी देवपुत्रे प्रले मातरा यही ऋतस्य ॥ ६.०१७.०७
 अध त्वा विश्वे पुर इन्द्र देवा एकं तवसं दधिरे भराय ।
 अदेवो यदभ्योहिष्ठ देवान्स्वर्षाता वृणत इन्द्रमत्र ॥ ६.०१७.०८
 अध द्यौश्चित्ते अप सा नु वज्राद्धितानमद्भियसा स्वस्य मन्योः ।
 अहिं यदिन्द्रो अभ्योहसानं नि चिद्विश्वायुः शयथे जघान ॥ ६.०१७.०९
 अध त्वष्टा ते मह उग्र वज्र सहस्रभृष्टिं ववृतच्छताश्रिम् ।
 निकाममरमणसं येन नवन्तमहिं सं पिणगृजीषिन् ॥ ६.०१७.१०
 वर्धान्यं विश्वे मरुतः सजोषाः पचच्छतं महिषां इन्द्र तुभ्यम् ।
 पूषा विष्णुस्त्रीणि सरासि धावन्वृत्रहणं मदिरमंशुमस्मै ॥ ६.०१७.११
 आ क्षोदो महि वृतं नदीनां परिष्ठितमसृज ऊर्मिमपाम् ।
 तासामनु प्रवत इन्द्र पन्थां प्रादयो नीचीरपसः समुद्रम् ॥ ६.०१७.१२

ए॒वा ता॑ वि॒श्वा च॑कृ॒वांस॑मिन्द्रं॒ महा॑मु॒ग्रम॑जु॒र्यं स॑हो॒दाम् ।
 सु॒वीरं॑ त्वा॒ स्वायु॑धं सु॒वज्र॑मा ब्र॒ह्म न॑व्य॒मव॑से ववृ॒त्यात् ॥ ६.०१७.१३
 स नो॑ वाजा॒य श्र॑वस इ॒षे च॑ रा॒ये धे॑हि द्यु॒मत इन्द्र॑ वि॒प्रान् ।
 भ॒रद्वा॑जे न॒वत इन्द्र॑ सू॒रीन्दि॒वि च॑ स्मैधि पा॒र्ये न इन्द्र॑ ॥ ६.०१७.१४
 अ॒या वाजं॑ दे॒वहि॑तं स॒नेम॑ म॒देम॑ श॒तहि॑माः सु॒वीराः ॥ ६.०१७.१५
 तमु॑ ष्टु॒हि यो अ॑भिभू॒त्योजा॑ व॒न्वन्न॑वातः पुरु॒हूत इन्द्रः॑ ।
 अषा॑व्ह॒मुग्रं॑ स॒हमा॑नमाभिर्गी॒र्भिर्व॑र्ध वृष॒भं च॑र्षणीनाम् ॥ ६.०१८.०१
 स यु॒ध्मः स॒त्वा ख॑ज॒कृत्स॑मद्वा तु॒विम्र॑क्षो न॒दनु॑माँ ऋ॒जीषी॑ ।
 बृ॒ह॒द्रेणु॑श्च॒वनो॑ मानु॒षीणा॑मेकः कृ॒ष्टीना॑मभ॒वत्स॑हावा ॥ ६.०१८.०२
 त्वं ह॑ नु त्यद॒दमा॑यो द॒स्यूरै॑कः कृ॒ष्टीर॑वनो॒राया॑य ।
 अ॒स्ति स्वि॒न्नु वी॒र्यं॑ तत्त इन्द्र॑ न स्वि॒दस्ति॑ तदृ॒तुथा॑ वि वोचः ॥ ६.०१८.०३
 सदि॒द्धि ते॑ तु॒विजा॑तस्य म॒न्ये सहः॑ स॒हिष्ठ॑ तुर॒तस्तु॑रस्य ।
 उ॒ग्रमु॑ग्रस्य त॒वस॑स्त॒वीयो॑र॒ध्रस्य॑ र॒ध्रतु॑रो बभूव ॥ ६.०१८.०४
 तन्नः॑ प्र॒त्नं स॒ख्यम॑स्तु यु॒ष्मे इ॒त्था वद॑द्वि॒र्वल॑मङ्गि॒रोभिः॑ ।
 ह॒न्नच्यु॑तच्यु॒दस्मे॑षयन्त॒मृणोः॑ पु॒रो वि॑ दुरो अ॒स्य वि॒श्वाः ॥ ६.०१८.०५
 स हि॑ धी॒भिर्ह॑व्यो अ॒स्त्यु॒ग्र ई॒शान॑कृ॒न्महा॑ति वृ॒त्रतू॑र्यै ।
 स तो॑कसा॒ता त॑नये स वज्री॒ वित॑न्त॒साय्यो॑ अभ॒वत्स॑म॒त्सु ॥ ६.०१८.०६
 स म॒ज्मना॑ ज॒निम॑ मानु॒षाणा॑म॒मर्त्ये॑न नाम्ना॒ति प्र॑ स॒र्त्से ।
 स द्यु॒म्नेन॑ स श॒वसो॑त रा॒या स वी॒र्येण॑ नृ॒तमः॑ स॒मोकाः ॥ ६.०१८.०७
 स यो न॑ मु॒हे न मि॒थू ज॑नो भू॒त्सुम॑न्तुना॒मा चु॑मु॒रिं धु॑निं च ।
 वृ॒णक्वि॑प्रुं श॒म्बरं॑ शु॒ष्णमिन्द्रः॑ पु॒रां च्यौ॑लाय श॒यथा॑य नू चि॒त् ॥ ६.०१८.०८
 उ॒दाव॑ता त्व॒क्षसा॑ प॒न्यसा॑ च वृ॒त्रह॑त्याय रथमिन्द्र तिष्ठ ।
 धि॒ष्व वज्रं॑ ह॒स्त आ॑ दक्षिण॒त्राभि॑ प्र म॒न्द पुरु॑द॒त्र मा॒याः ॥ ६.०१८.०९
 अ॒ग्निं श॑ष्कं व॒नमिन्द्र॑ हे॒ती र॑क्षो नि ध॒क्ष्यश॑निर्न भी॒मा ।
 ग॒म्भीर॑य ऋ॒ष्वया॑ यो रू॒रोजा॑ध्वानयदु॒रिता॑ द॒म्भय॑च्च ॥ ६.०१८.१०
 आ स॒हस्रं॑ प॒थिभि॑रिन्द्र रा॒या तु॒विद्यु॑म्र तु॒विवा॑जेभि॒रर्वा॑क् ।
 या॒हि सू॒नो स॒हसो॑ यस्य नू चि॒ददे॑व ई॒शे पुरु॑हू॒त यो॒तोः ॥ ६.०१८.११

प्र तुविद्युमस्य स्थविरस्य घृष्वेर्दिवो ररप्शो महिमा पृथिव्याः ।
 नास्य शत्रुर्न प्रतिमानमस्ति न प्रतिष्ठिः पुरुमायस्य सह्योः ॥ ६.०१८.१२
 प्र तत्ते अद्या करणं कृतं भूत्कुत्सं यदायुमतिथिग्वमस्मै ।
 पुरू सहस्रा नि शिशा अभि क्षामुत्तूर्वयाणं धृषता निनेथ ॥ ६.०१८.१३
 अनु त्वाहिघ्ने अध देव देवा मदन्विश्वे कवितमं कवीनाम् ।
 करो यत्र वरिवो बाधिताय दिवे जनाय तन्वे गृणानः ॥ ६.०१८.१४
 अनु द्यावापृथिवी तत्त ओजोऽमर्त्या जिहत इन्द्र देवाः ।
 कृष्वा कृत्नो अकृतं यत्ते अस्त्युक्थं नवीयो जनयस्व यज्ञैः ॥ ६.०१८.१५
 महौ इन्द्रो नृवदा चर्षणिप्रा उत द्विबर्हा अमिनः सहोभिः ।
 अस्मद्यग्वावृधे वीर्यायोरुः पृथुः सुकृतः कर्तृभिर्भूत् ॥ ६.०१९.०१
 इन्द्रमेव धिषणा सातये धाद्बृहन्तमृष्वमजरं युवानम् ।
 अपाव्हेन शवसा शूशुवांसं सद्यश्चिद्यो वावृधे अस्मि ॥ ६.०१९.०२
 पृथू करस्त्रा बहुला गभस्ती अस्मद्यक्षं मिमीहि श्रवासि ।
 यूथेव पश्वः पशुपा दमूना अस्मां इन्द्राभ्या ववृत्स्वाजौ ॥ ६.०१९.०३
 तं व इन्द्रं चतिनमस्य शाकैरिह नूनं वाजयन्तो हुवेम ।
 यथा चित्पूर्वे जरितार आसुरनेद्या अनवद्या अरिष्ठाः ॥ ६.०१९.०४
 धृतव्रतो धनदाः सोमवृद्धः स हि वामस्य वसुनः पुरुक्षुः ।
 सं जग्मिरे पथ्या३ रायो अस्मिन्समुद्रे न सिन्धवो यादमानाः ॥ ६.०१९.०५
 शविष्ठं न आ भर शूर शव ओजिष्ठमोजो अभिभूत उग्रम् ।
 विश्वा द्युम्ना वृष्ण्या मानुषाणामस्मभ्यं दा हरिवो मादयध्वै ॥ ६.०१९.०६
 यस्ते मदः पृतनाषाळमृध्र इन्द्र तं न आ भर शूशुवांसम् ।
 येन तोकस्य तनयस्य सातौ मसीमहि जिगीवांसस्त्वोताः ॥ ६.०१९.०७
 आ नो भर वृषणं शुष्ममिन्द्र धनस्पृतं शूशुवांसं सुदक्षम् ।
 येन वंसाम पृतनासु शत्रून्तवोतिभिरुत जामारंजामीन् ॥ ६.०१९.०८
 आ ते शुष्मो वृषभ एतु पश्चादोत्तरादधरादा पुरस्तात् ।
 आ विश्वतो अभि समेत्वर्वाडिन्द्र द्युम्नं स्वर्वद्धेह्यस्मे ॥ ६.०१९.०९
 नृवत्त इन्द्र नृतमाभिरूती वंसीमहि वामं श्रोमतेभिः ।

ईक्षे हि वस्व उभयस्य राजन्धा रत्नं महि स्थूरं बृहन्तम् ॥ ६.०१९.१०
 मरुत्वन्तं वृषभं वावृधानमकवारिं दिव्यं शासमिन्द्रम् ।
 विश्वासाहमवसे नूतनायोग्रं सहोदामिह तं हुवेम ॥ ६.०१९.११
 जनं वज्रिन्महि चिन्मन्यमानमेभ्यो नृभ्यो रन्धया येष्वस्मि ।
 अधा हि त्वा पृथिव्यां शूरसातौ हवामहे तनये गोष्वप्सु ॥ ६.०१९.१२
 वयं त एभिः पुरुहूत सख्यैः शत्रोःशत्रोरुत्तर इत्स्याम ।
 घ्नन्तो वृत्राण्युभयानि शूर राया मदेम बृहता त्वोताः ॥ ६.०१९.१३
 द्यौरन य इन्द्राभि भूमार्यस्तस्थौ रयिः शवसा पृत्सु जनान् ।
 तं नः सहस्रभरमुर्वरासां दद्धि सूनो सहसो वृत्रतुरम् ॥ ६.०२०.०१
 दिवो न तुभ्यमन्विन्द्र सत्रासुर्यं देवेभिर्धायि विश्वम् ।
 अहिं यद्वृत्रमपो वत्रिवांसं हनृजीषिन्विष्णुना सचानः ॥ ६.०२०.०२
 तूर्वन्नोजीयान्तवसस्तवीयान्कृतब्रह्मेन्द्रो वृद्धमहाः ।
 राजाभवन्मधुनः सोम्यस्य विश्वासां यत्पुरां दर्बुमावत् ॥ ६.०२०.०३
 शतैरपद्रन्पणय इन्द्रात्र दशोणये कवयेऽर्कसातौ ।
 वधैः शुष्णस्याशुषस्य मायाः पित्वो नारिरेचीत्किं चन प्र ॥ ६.०२०.०४
 महो द्रुहो अप विश्वायु धायि वज्रस्य यत्पतने पादि शुष्णः ।
 उरु ष सरथं सारथये करिन्द्रः कुत्साय सूर्यस्य सातौ ॥ ६.०२०.०५
 प्र श्येनो न मदिरमंशुमस्मै शिरो दासस्य नमुचेर्मथायन् ।
 प्रावन्नमीं साप्यं ससन्तं पूणग्राया समिषा सं स्वस्ति ॥ ६.०२०.०६
 वि पिप्रोरहिमायस्य दृव्हाः पुरो वज्रिच्छवसा न दर्दः ।
 सुदामन्तद्रेक्णो अप्रमृष्यमृजिश्चने दात्रं दाशुषे दाः ॥ ६.०२०.०७
 स वेतसुं दशमायं दशोणिं तूतुजिमिन्द्रः स्वभिष्टिसुम्नः ।
 आ तुग्रं शश्वदिभं द्योतनाय मातुर्न सीमुप सृजा इयध्यै ॥ ६.०२०.०८
 स ई स्पृधो वनते अप्रतीतो विभ्रद्वज्रं वृत्रहणं गभस्तौ ।
 तिष्ठद्वरी अध्यस्तेव गते वचोयुजा वहत इन्द्रमृष्वम् ॥ ६.०२०.०९
 सनेम तेऽवसा नव्य इन्द्र प्र पूरवः स्तवन्त एना यज्ञैः ।
 सप्त यत्पुरः शर्म शारदीर्दद्धन्दासीः पुरुकुत्साय शिक्षन् ॥ ६.०२०.१०

त्वं वृध इन्द्र पूर्व्यो भूर्वरिवस्यनुशने काव्याय ।
 परा नववास्त्वमनुदेयं महे पित्रे ददाथ स्वं नपातम् ॥ ६.०२०.११
 त्वं धुनिरिन्द्र धुनिमतीर्ऋणोरपः सीरा न स्रवन्तीः ।
 प्र यत्समुद्रमति शूर पर्षि पारया तुर्वशं यदु स्वस्ति ॥ ६.०२०.१२
 तव ह त्यदिन्द्र विश्वमाजौ सस्तो धुनीचुमुरी या ह सिष्वप् ।
 दीदयदित्तुभ्यं सोमेभिः सुन्वन्दभीतिरिध्मभृतिः पक्थ्यैर्कैः ॥ ६.०२०.१३
 इमा उ त्वा पुरुतमस्य कारोर्हव्यं वीर हव्या हवन्ते ।
 धियो रथेष्ठामजरं नवीयो रयिर्विभूतिरीयते वचस्या ॥ ६.०२१.०१
 तमु स्तुष इन्द्रं यो विदानो गिर्वाहसं गीर्भिर्यज्ञवृद्धम् ।
 यस्य दिवमति महा पृथिव्याः पुरुमायस्य रिरिचे महित्वम् ॥ ६.०२१.०२
 स इत्तमोऽवयुनं ततन्वत्सूर्येण वयुनवच्चकार ।
 कदा ते मता अमृतस्य धामेयक्षन्तो न मिनन्ति स्वधावः ॥ ६.०२१.०३
 यस्ता चकार स कुह स्विदिन्द्रः कमा जनं चरति कासु विक्षु ।
 कस्ते यज्ञो मनसे शं वराय को अर्क इन्द्र कतमः स होता ॥ ६.०२१.०४
 इदा हि ते वेविषतः पुराजाः प्रत्नास आसुः पुरुकृत्सखायः ।
 ये मध्यमास उत नूतनास उतावमस्य पुरुहूत बोधि ॥ ६.०२१.०५
 तं पृच्छन्तोऽवरासः पराणि प्रत्ना त इन्द्र श्रुत्यानु येमुः ।
 अर्चामसि वीर ब्रह्मवाहो यादेव विद्म तात्त्वा महान्तम् ॥ ६.०२१.०६
 अभि त्वा पाजो रक्षसो वि तस्थे महि जज्ञानमभि तत्सु तिष्ठ ।
 तव प्रत्नेन युज्येन सख्या वज्रेण धृष्णो अप ता नुदस्व ॥ ६.०२१.०७
 स तु श्रुधीन्द्र नूतनस्य ब्रह्मण्यतो वीर कारुधायः ।
 त्वं ह्याऽपिः प्रदिवि पितृणां शश्वद्भूथ सुहव एष्टौ ॥ ६.०२१.०८
 प्रोतये वरुणं मित्रमिन्द्र मरुतः कृष्वावसे नो अद्य ।
 प्र पूषणं विष्णुमग्निं पुरधिं सवितारमोषधीः पर्वताँश्च ॥ ६.०२१.०९
 इम उ त्वा पुरुशाक प्रयज्यो जरितारो अभ्यर्चन्त्यैर्कैः ।
 श्रुधी हवमा हवतो हुवानो न त्वावाँ अन्यो अमृत त्वदस्ति ॥ ६.०२१.१०
 नू म आ वाचमुप याहि विद्वान्विश्वेभिः सूनो सहसो यज्ञत्रैः ।

ये अग्निजिह्वा ऋतसाप आसुर्ये मनु चक्रुरपरं दसाय ॥ ६.०२१.११
 स नो बोधि पुरएता सुगेषूत दुर्गेषु पथिकृद्विदानः ।
 ये अश्रमास उरवो वहिष्ठास्तेभिर्न इन्द्राभि वक्षि वाजम् ॥ ६.०२१.१२
 य एक इद्धव्यश्चर्षणीनामिन्द्रं तं गीर्भिरभ्यर्च आभिः ।
 यः पत्यते वृषभो वृष्यावान्सत्यः सत्वा पुरुमायः सहस्वान् ॥ ६.०२२.०१
 तमु नः पूर्वे पितरो नवग्वाः सप्त विप्रासो अभि वाजयन्तः ।
 नक्षद्दामं ततुरिं पर्वतेष्ठा मद्रोघवाचं मतिभिः शविष्ठम् ॥ ६.०२२.०२
 तमीमह इन्द्रमस्य रायः पुरुवीरस्य नवतः पुरुक्षोः ।
 यो अस्कृधोर्युरजरः स्वर्वान्तमा भर हरिवो मादयध्वै ॥ ६.०२२.०३
 तन्नो वि वोचो यदि ते पुरा चिञ्जरितार आनशुः सुम्नमिन्द्र ।
 कस्ते भागः किं वयो दुध खिद्धः पुरुहूत पुरुवसोऽसुरघ्नः ॥ ६.०२२.०४
 तं पृच्छन्ती वज्रहस्तं रथेष्ठामिन्द्रं वेपी वक्करी यस्य नू गीः ।
 तुविग्राभं तुविकूर्मिं रभोदां गातुमिषे नक्षते तुम्नमच्छ ॥ ६.०२२.०५
 अया ह त्यं मायया वावृधानं मनोजुवा स्वतवः पर्वतेन ।
 अच्युता चिद्विळिता स्वोजो रुजो वि दृव्हा धृषता विरष्णिन् ॥ ६.०२२.०६
 तं वो धिया नव्यस्या शविष्ठं प्रत्नं प्रत्नवत्परितंसयध्वै ।
 स नो वक्षदनिमानः सुवह्नेन्द्रो विश्वान्यति दुर्गहाणि ॥ ६.०२२.०७
 आ जनाय द्रुहणे पार्थिवानि दिव्यानि दीपयोऽन्तरिक्षा ।
 तपा वृषन्विश्वतः शोचिषा तान्ब्रह्मद्विषे शोचय क्षामपश्च ॥ ६.०२२.०८
 भुवो जनस्य दिव्यस्य राजा पार्थिवस्य जगतस्त्वेषसंहक् ।
 धिष्व वज्रं दक्षिण इन्द्र हस्ते विश्वा अजुर्य दयसे वि मायाः ॥ ६.०२२.०९
 आ संयतमिन्द्र णः स्वस्तिं शत्रुतूयाय बृहतीममृधाम् ।
 यया दासान्यायाणि वृत्रा करो वज्रिन्सुतुका नाहुषाणि ॥ ६.०२२.१०
 स नो नियुद्धिः पुरुहूत वेधो विश्ववाराभिरा गहि प्रयज्यो ।
 न या अदेवो वरते न देव आभिर्याहि तूयमा मद्यद्रिक् ॥ ६.०२२.११
 सुत इत्वं निमिश्च इन्द्र सोमे स्तोमे ब्रह्मणि शस्यमान उक्थे ।
 यद्वा युक्ताभ्यां मघवन्हरिभ्यां बिभ्रद्वज्रं बाहोरिन्द्र यासि ॥ ६.०२३.०१

यद्वा दिवि पार्ये सुष्विमिन्द्र वृत्रहत्येऽवसि शूरसातौ ।
 यद्वा दक्षस्य बिभ्युषो अबिभ्यदरन्धयः शर्धत इन्द्र दस्यून ॥ ६.०२३.०२
 पाता सुतमिन्द्रो अस्तु सोमं प्रणेनीरुग्रो जरितारमृती ।
 कर्ता वीराय सुष्वय उ लोकं दाता वसु स्तुवते कीरये चित् ॥ ६.०२३.०३
 गन्तेयान्ति सवना हरिभ्यां बभ्रिर्वन्न पपिः सोमं ददिर्गाः ।
 कर्ता वीरं नर्यं सर्ववीरं श्रोता हव गृणतः स्तोमवाहाः ॥ ६.०२३.०४
 अस्मै वयं यद्वावान तद्विविष्म इन्द्राय यो नः प्रदिवो अपस्कः ।
 सुते सोमे स्तुमसि शंसदुक्थेन्द्राय ब्रह्म वर्धनं यथासत् ॥ ६.०२३.०५
 ब्रह्माणि हि चकृषे वर्धनानि तावत्त इन्द्र मतिभिर्विविष्मः ।
 सुते सोमे सुतपाः शंतमानि राण्ड्या क्रियास्म वक्षणानि यज्ञैः ॥ ६.०२३.०६
 स नो बोधि पुरोळाशं रराणः पिबा तु सोमं गोऋजीकमिन्द्र ।
 एदं बर्हिर्यजमानस्य सीदोरुं कृधि त्वायत उ लोकम् ॥ ६.०२३.०७
 स मन्दस्वा ह्यनु जोषमुग्र प्र त्वा यज्ञास इमे अश्रुवन्तु ।
 प्रेमे ह्वासः पुरुहूतमस्मे आ त्वेयं धीरवस इन्द्र यम्याः ॥ ६.०२३.०८
 तं वः सखायः सं यथा सुतेषु सोमेभिरीं पृणता भोजमिन्द्रम् ।
 कुवित्तस्मा असति नो भराय न सुष्विमिन्द्रोऽवसे मृधाति ॥ ६.०२३.०९
 एवेदिन्द्रः सुते अस्तावि सोमे भरद्वाजेषु क्षयदिन्मघोनः ।
 असद्यथा जरित्र उत सूरिरिन्द्रो रायो विश्ववारस्य दाता ॥ ६.०२३.१०
 वृषा मद इन्द्रे श्लोक उक्था सचा सोमेषु सुतपा ऋजीषी ।
 अर्चत्र्यो मघवा नृभ्य उक्थैर्द्युक्षो राजा गिरामक्षितोतिः ॥ ६.०२४.०१
 ततुरिर्वीरो नर्यो विचेताः श्रोता हव गृणत उर्व्यूतिः ।
 वसुः शंसो नरां कारुधाया वाजी स्तुतो विदथे दाति वाजम् ॥ ६.०२४.०२
 अक्षो न चक्र्योः शूर बृहन्त्र ते महा रिरिचे रोदस्योः ।
 वृक्षस्य नु ते पुरुहूत वया व्यू३तयो रुरुहुरिन्द्र पूर्वीः ॥ ६.०२४.०३
 शचीवतस्ते पुरुशाक शाका गवामिव सुतयः संचरणीः ।
 वत्सानां न तन्तयस्त इन्द्र दामन्वन्तो अदामानः सुदामन् ॥ ६.०२४.०४
 अन्यदद्य कर्वरमन्यदु श्वोऽसच्च सन्मुहुराचक्रिरिन्द्रः ।

मि॒त्रो नो॑ अ॒त्र वरु॑णश्च पू॒षार्यो॑ व॒शस्य॑ पर्ये॒तास्ति॑ ॥ ६.०२४.०५
वि त्वदापो॑ न पर्वतस्य॑ पु॒ष्ठादु॒क्थेभि॑रिन्द्रानयन्त॑ य॒ज्ञैः ।
तं त्वाभिः॑ सु॒ष्टुतिभि॑र्वाजयन्त॑ आ॒जिं न जग्मु॑र्गिर्वा॒हो अश्वाः॑ ॥ ६.०२४.०६
न यं जर॑न्ति श॒रदो॑ न मा॒सा न द्या॒व इन्द्र॑मवक॒र्शय॑न्ति ।
वृ॒द्धस्य॑ चिद्व॒र्धता॑मस्य॒ तनूः॑ स्तोमे॑भि॒रुक्थे॑श्च श॒स्यमा॑ना ॥ ६.०२४.०७
न वी॒ळवे॑ नमते॑ न स्थि॒राय॑ न श॒धते॑ दस्यु॒जूता॑य स्त॒वान् ।
अ॒त्रा इन्द्र॑स्य गि॒रयश्चि॑दृ॒ष्वा ग॑म्भीरे चिद्व॒वति॑ गा॒धम॑स्मै ॥ ६.०२४.०८
ग॑म्भीरेण॑ न उ॒रुणा॑मत्रि॒न्नेषो॑ यन्धि॒ सुत॑पाव॒न्वाजा॑न् ।
स्था ऊ॒ षु ऊ॒र्ध्व ऊ॒ती अ॑रिषण्यन्नक्तो॒व्युष्टौ॑ परि॒तक॑भ्यायाम् ॥ ६.०२४.०९
सच॑स्व ना॒यम॑वसे॒ अभी॑क॒ इतो॑ वा तमिन्द्र॑ पाहि॒ रिषः॑ ।
अ॒मा चे॑नम॒रण्ये॑ पाहि॒ रिषो॑ मदे॒म श॒तहि॑माः सु॒वीराः॑ ॥ ६.०२४.१०
या त ऊ॒तिर॑व॒मा या॑ प॒रमा॑ या मध्य॑मेन्द्र॒ शुष्मि॑न्नस्ति ।
ताभि॑रू॒ षु वृ॒त्रह॑त्ये॒ऽवीर्न॑ ए॒भिश्च॑ वा॒जैर्म॑हा॒न्न उ॒ग्र ॥ ६.०२५.०१
आभिः॑ स्पृ॒धो मि॑थतीररिषण्यन्नमि॒त्रस्य॑ व्यथया॒ मन्यु॑मिन्द्र ।
आभिर्वि॑श्वा॒ अभि॑यु॒जो वि॑षू॒चीरा॑र्या॒य विशो॑ऽव॒ तारी॑र्दासीः ॥ ६.०२५.०२
इन्द्र॑ जा॒मय॑ उ॒त ये॑ऽजा॒मयो॑ऽर्वा॒चीना॑सो॒ वनु॑षो॒ युयु॑ञ्जे ।
त्वमे॑षां वि॒थुरा॑ श॒वासि॑ ज॒हि वृ॑ष्ण्यानि॒ कृणु॑ही॒ परा॑चः ॥ ६.०२५.०३
शू॒रो वा॑ शू॒र व॑नते॒ शरी॑रैस्त॒नुरु॑चा॒ तरु॑षि॒ यत्कृ॑ण्वैते ।
तो॒के वा॑ गो॒षु त॑नये॒ यदप्सु॑ वि॒ क्रन्द॑सी॒ उर्व॑रा॒सु ब्र॑वैते ॥ ६.०२५.०४
न॒हि त्वा॑ शू॒रो न॑ तु॒रो न॑ धृ॒ष्णुर्न॑ त्वा॒ यो॒धो म॑न्यमानो॒ युयो॑ध ।
इन्द्र॑ नकि॒ष्ट्वा प्र॑त्य॒स्त्येषां॑ वि॒श्वा जा॑तान्य॒भ्यसि॑ तानि ॥ ६.०२५.०५
स प॑त्यत॒ उ॒भयो॑र्नृ॒ष्णम॑यो॒र्यदी॑ वे॒धसः॑ स॒मिथे॑ ह॒वन्ते॑ ।
वृ॒त्रे वा॑ म॒हो नृ॑वति॒ क्षये॑ वा॒ व्यच॑स्वन्ता॒ यदि॑ वित॒न्तसै॑ते ॥ ६.०२५.०६
अ॒ध स्मा॑ ते च॒र्षण॑यो॒ यदे॑जानिन्द्र॒ त्रातो॑त भ॒वा व॑रू॒ता ।
अ॒स्माका॑सो॒ ये नृ॑तमा॒सो अ॑र्य॒ इन्द्र॑ सू॒रयो॑ दधि॒रे पु॑रो नः ॥ ६.०२५.०७
अ॒नु ते॑ दा॒यि म॒ह इन्द्रि॑या॒य स॒त्रा ते॑ वि॒श्वम॑नु॒ वृ॒त्रह॑त्ये ।
अ॒नु क्ष॑त्रम॒नु स॒हो य॑ज॒त्रेन्द्र॑ दे॒वेभि॑रनु॒ ते नृ॑ष॒ह्ये ॥ ६.०२५.०८

ए॒वा नः॑ स्फु॒धः स॒मजा॑ स॒मत्स्वि॑न्द्र रार॒न्धि मि॑थ॒तीर॑दे॒वीः ।
 वि॒द्याम॑ व॒स्तोर॑वसा॒ गृण॑न्तो॒ भर॑द्वाजा॒ उ॒त त॑ इन्द्र॒ नून॑म् ॥ ६.०२५.०९
 श्रु॒धी न॑ इन्द्र॒ ह्या॑मसि॒ त्वा म॒हो वा॑जस्य॒ सा॒तौ वा॑वृषा॒णाः ।
 सं यद्वि॑शोऽय॒न्त॒ शूर॑सा॒ता उ॒ग्रं नोऽवः॑ पा॒र्ये अ॒ह॒न्दाः ॥ ६.०२६.०१
 त्वां वा॑जी ह॒वते॑ वाजि॒नेयो॑ म॒हो वा॑जस्य॒ ग॒ध्यस्य॑ सा॒तौ ।
 त्वां वृ॒त्रेष्वि॑न्द्र॒ स॒त्पतिं॑ तरु॒त्रं त्वां च॑ष्टे॒ मुष्टि॑हा गोषु॒ यु॒ध्यन् ॥ ६.०२६.०२
 त्वं क॒विं चो॑दयो॒ऽर्क॑सा॒तौ त्वं कु॑त्साय॒ शुष्णं॑ दा॒शुषे॑ वर्क॒ ।
 त्वं शि॒रो अ॒मर्म॑णः॒ परा॑ह॒न्नति॑थि॒ग्वाय॑ शंस्यं॒ करि॑ष्यन् ॥ ६.०२६.०३
 त्वं रथं॑ प्र॒ भरो॑ यो॒धमृ॑ष्व॒मावो॑ यु॒ध्यन्तं॑ वृष॒भं द॑शद्यु॒म् ।
 त्वं तु॒ग्रं वे॒तस॑वे॒ सचा॑ह॒न्त्वं तु॒जिं गृ॑णन्त॒मिन्द्र॑ तूतोः ॥ ६.०२६.०४
 त्वं तदु॒क्थ॑मिन्द्र॒ ब॒र्हणा॑ कः प्र॒ यच्छु॑ता॒ सह॑स्रा॒ शूर॑ द॒र्षि ।
 अ॒व गि॑रे॒र्दासं॑ श॒म्बरं॑ ह॒न्त्रा॒वो दि॒वोदा॑सं॒ चि॒त्राभि॑रू॒ती ॥ ६.०२६.०५
 त्वं श्र॒द्धाभि॑र्म॒न्दसानः॑ सो॒मैर्द॑भी॒तये॑ चु॒मुरि॑मिन्द्र॒ सि॒ष्वप् ।
 त्वं र॒जिं पि॑ठी॒नसे॑ द॒शस्य॑न्प॒ष्टिं स॒हस्रा॑ श॒च्या स॒चाह॑न् ॥ ६.०२६.०६
 अ॒हं च॑न॒ तत्सूरि॑भिरान॒श्यां तव॑ ज्याय॒ इन्द्र॑ सु॒म्रमो॑जः ।
 त्वया॑ य॒त्स्तव॑न्ते॒ सध॑वी॒र वी॑रा॒स्त्रिव॑रू॒थेन॑ न॒हुषा॑ श॒विष्ठ ॥ ६.०२६.०७
 वयं॑ ते॒ अस्या॑मिन्द्र॒ द्यु॒म्रहू॑तौ॒ सखा॑यः॒ स्याम॑ म॒हिन॑ प्रे॒ष्ठाः ।
 प्रा॒त॒र्द॒निः क्ष॑त्र॒श्री॑रस्तु॒ श्रेष्ठो॑ घ॒ने वृ॒त्राणां॑ स॒नये॑ ध॒नाना॑म् ॥ ६.०२६.०८
 कि॒मस्य॑ म॒दे कि॑म्वस्य॒ पी॒तावि॑न्द्रः॒ कि॒मस्य॑ स॒ख्ये च॑कार ।
 रणा॑ वा॒ ये नि॑षदि॒ किं ते॑ अ॒स्य पु॒रा वि॑वि॒द्रे कि॑मु॒ नू॒तना॑सः ॥ ६.०२७.०१
 स॒दस्य॑ म॒दे स॒द्वस्य॑ पी॒तावि॑न्द्रः॒ स॒दस्य॑ स॒ख्ये च॑कार ।
 रणा॑ वा॒ ये नि॑षदि॒ स॒त्ते अ॒स्य पु॒रा वि॑वि॒द्रे स॒दु नू॒तना॑सः ॥ ६.०२७.०२
 न॒हि नु॑ ते॒ महि॑मनः॒ सम॑स्य॒ न म॑घव॒न्मघ॑व॒त्त्वस्य॑ वि॒द्म ।
 न रा॑ध॒सोरा॑ध॒सो नू॒तन॑स्येन्द्र॒ नकि॑र्द॒दृश॑ इन्द्रि॒यं ते ॥ ६.०२७.०३
 ए॒तत्त्य॑त्त॒ इन्द्रि॑यम॒चेति॑ येना॒वधी॑र्व॒रशि॑खस्य॒ शेषः॑ ।
 व॒ज्रस्य॑ य॒त्ते नि॑ह॒तस्य॑ शुष्मा॒त्स्वना॑च्चि॒दिन्द्र॑ प॒रमो॑ द॒दार ॥ ६.०२७.०४
 वधी॑दिन्द्रो॒ वर॑शि॒खस्य॑ शेषोऽ॒भ्याव॑र्ति॒ने चा॑य॒मानाय॑ शि॒क्षन् ।

वृचीवतो यद्धरियूपीयायां हन्पूर्वे अर्धे भियसापरो दर्त ॥ ६.०२७.०५
त्रिंशच्छतं वर्मिण इन्द्र साकं यव्यावत्यां पुरुहूत श्रवस्या ।
वृचीवन्तः शरवे पत्यमानाः पात्रा भिन्दाना न्यर्थान्यायन् ॥ ६.०२७.०६
यस्य गावावरुषा सूयवस्यू अन्तरू षु चरतो रेरिहाणा ।
स सृञ्जाय त्वर्शं परादाद्बृचीवतो दैववाताय शिक्षन् ॥ ६.०२७.०७
द्वयाँ अग्ने रथिनो विंशतिं गा वधूमतो मघवा मह्यं सम्राट् ।
अभ्यावर्ती चायमानो ददाति दूणाशेयं दक्षिणा पार्थवानाम् ॥ ६.०२७.०८
आ गावो अगमन्नुत भद्रमक्रन्सीदन्तु गोष्ठे रणयन्त्वस्मे ।
प्रजावतीः पुरुरूपा इह स्युरिन्द्राय पूर्वीरुषसो दुहानाः ॥ ६.०२८.०१
इन्द्रो यज्वने पृणते च शिक्षत्युपेद्ददाति न स्वं मुषायति ।
भूयोभूयो रयिमिदस्य वर्धयन्नभिन्ने खिल्ये नि दधाति देवयुम् ॥ ६.०२८.०२
न ता नशन्ति न दभाति तस्करो नासामामित्रो व्यथिरा दधर्षति ।
देवाँश्च याभिर्यजते ददाति च ज्योगित्ताभिः सचते गोपतिः सह ॥ ६.०२८.०३
न ता अवा रेणुककाटो अश्रुते न संस्कृतत्रमुप यन्ति ता अभि ।
उरुगायमभयं तस्य ता अनु गावो मर्तस्य वि चरन्ति यज्वनः ॥ ६.०२८.०४
गावो भगो गाव इन्द्रो मे अच्छान्गावः सोमस्य प्रथमस्य भक्षः ।
इमा या गावः स जनास इन्द्र इच्छामीद्धदा मनसा चिदिन्द्रम् ॥ ६.०२८.०५
यूयं गावो मेदयथा कृशं चिदश्रीरं चित्कृणुथा सुप्रतीकम् ।
भद्रं गृहं कृणुथ भद्रवाचो बृहद्वो वय उच्यते सभासु ॥ ६.०२८.०६
प्रजावतीः सूयवसं रिशन्तीः शुद्धा अपः सुप्रपाणे पिबन्तीः ।
मा वः स्तेन ईशत माघशंसः परि वो हेती रुद्रस्य वृज्याः ॥ ६.०२८.०७
उपेदमुपपर्वनमासु गोषूप पृच्यताम् ।
उप ऋषभस्य रेतस्युपेन्द्र तव वीर्ये ॥ ६.०२८.०८
इन्द्रं वो नरः सख्याय सेपुर्महो यन्तः सुमतये चकानाः ।
महो हि दाता वज्रहस्तो अस्ति महामु रण्वमवसे यजध्वम् ॥ ६.०२९.०१
आ यस्मिन्हस्ते नर्या मिमिक्षुरा रथे हिरण्यये रथेष्ठाः ।
आ रश्मयो गभस्त्योः स्थूरयोराध्वन्नश्वासो वृषणो युजानाः ॥ ६.०२९.०२

श्रिये ते पादा दुव आ मिमिक्षुर्धुष्णुर्वज्री शवसा दक्षिणावान् ।
 वसानो अत्कं सुरभिं दृशे कं स्वर्णं नृतविषिरो बभूथ ॥ ६.०२९.०३
 स सोम आमिश्रतमः सुतो भूद्यस्मिन्पक्तिः पच्यते सन्ति धानाः ।
 इन्द्रं नरः स्तुवन्तो ब्रह्मकारा उक्था शंसन्तो देववाततमाः ॥ ६.०२९.०४
 न ते अन्तः शवसो धाय्यस्य वि तु बाबधे रोदसी महित्वा ।
 आ ता सूरिः पृणति तूतुजानो यूथेवाप्सु समीजमान ऊती ॥ ६.०२९.०५
 एवेदिन्द्रः सुहव ऋष्वो अस्तूती अनूती हिरिशिप्रः सत्वा ।
 एवा हि जातो असमात्योजाः पुरू च वृत्रा हनति नि दस्यून् ॥ ६.०२९.०६
 भूय इद्वान्वधे वीर्यायँ एको अजुर्यो दयते वसूनि ।
 प्र रिरिचे दिव इन्द्रः पृथिव्या अर्धमिदस्य प्रति रोदसी उभे ॥ ६.०३०.०१
 अधा मन्ये बृहदसुर्यमस्य यानि दाधार नकिरा मिनाति ।
 दिवेदिवे सूर्यो दर्शतो भूद्वि सद्भान्युर्विया सुक्रतुर्धात् ॥ ६.०३०.०२
 अद्या चित्रू चित्तदपो नदीनां यदाभ्यो अरदो गातुमिन्द्र ।
 नि पर्वता अद्भसदो न सेदुस्त्वया दृव्हानि सुक्रतो रजासि ॥ ६.०३०.०३
 सत्यमित्तन्न त्वावाँ अन्यो अस्तीन्द्र देवो न मर्त्यो ज्यायान् ।
 अहन्नहि परिशयानमर्णोऽवासृजो अपो अच्छा समुद्रम् ॥ ६.०३०.०४
 त्वमपो वि दुरो विषूचीरिन्द्र दृव्हमरुजः पर्वतस्य ।
 राजाभवो जगतश्चर्षणीनां साकं सूर्यं जनयन्द्यामुषासम् ॥ ६.०३०.०५
 अभूरेको रयिपते रयीणामा हस्तयोरधिथा इन्द्र कृष्टीः ।
 वि तोके अप्सु तनये च सूरैऽवाचन्त चर्षणयो विवाचः ॥ ६.०३१.०१
 त्वद्वियेन्द्र पार्थिवानि विश्वाच्युता चिच्छावयन्ते रजासि ।
 द्यावाक्षामा पर्वतासो वनानि विश्वं दृव्हं भयते अज्मन्ना ते ॥ ६.०३१.०२
 त्वं कुत्सेनाभि शुष्मिन्द्राशुषं युध्य कुर्यवं गविष्टौ ।
 दश प्रपित्वे अध सूर्यस्य मुषायश्चक्रमविवे रपांसि ॥ ६.०३१.०३
 त्वं शतान्यव शम्बरस्य पुरो जघन्थाप्रतीनि दस्योः ।
 अशिक्षो यत्र शच्या शचीवो दिवोदासाय सुन्वते सुतक्रे भरद्वाजाय गृणते वसूनि ॥
 ६.०३१.०४

स सत्यसत्वन्महते रणाय रथमा तिष्ठ तुविनुम्ण भीमम् ।
याहि प्रपथिन्नवसोप मद्विक्र च श्रुत श्रावय चर्षणिभ्यः ॥ ६.०३१.०५
अपूर्वा पुरुतमान्यस्मै महे वीराय तवसे तुराय ।
विरप्शिने वज्रिणे शंतमानि वचास्यासा स्थविराय तक्षम् ॥ ६.०३२.०१
स मातरा सूर्येणा कवीनामवासयद्भुजदद्रि गृणानः ।
स्वाधीभिर्ऋक्भिर्वावशान उदुस्त्रियाणामसृजन्निदानम् ॥ ६.०३२.०२
स वह्निभिर्ऋक्भिर्गोषु शश्वन्मितज्ञभिः पुरुकृत्वा जिगाय ।
पुरः पुरोहा सखिभिः सखीयन्दृक्हा रुरोज कविभिः कविः सन् ॥ ६.०३२.०३
स नीव्याभिर्जरितारमच्छा महो वाजेभिर्महद्भिश्च शुष्मैः ।
पुरुवीराभिर्वृषभ क्षितीनामा गिर्वणः सुविताय प्र याहि ॥ ६.०३२.०४
स सर्गेण शवसा तक्तो अत्यैरप इन्द्रो दक्षिणतस्तुरापाट ।
इत्था सृजाना अनपावृदर्थं दिवेदिवे विविषुरप्रमृष्यम् ॥ ६.०३२.०५
य ओजिष्ठ इन्द्र तं सु नो दा मदो वृषन्स्वभिष्टिर्दास्वान् ।
सौवश्व्यं यो वनवत्स्वश्वो वृत्रा समत्सु सासहदमित्रान् ॥ ६.०३३.०१
त्वां हीन्द्रावसे विवाचो हवन्ते चर्षणयः शूरसातौ ।
त्वं विप्रेभिर्वि पर्णारशायस्त्वोत इत्सनिता वाजमर्वा ॥ ६.०३३.०२
त्वं ताँ इन्द्रोभयाँ अमित्रान्दासा वृत्राण्यायाँ च शूर ।
वधीर्वनेव सुधितेभिरत्कैरा पृत्सु दर्षि नृणां नृतम ॥ ६.०३३.०३
स त्वं न इन्द्राकवाभिरूती सखा विश्वायुरविता वृधे भूः ।
स्वर्षाता यद्धयामसि त्वा युध्यन्तो नेमधिता पृत्सु शूर ॥ ६.०३३.०४
नूनं न इन्द्रापराय च स्या भवा मृळीक उत नो अभिष्टौ ।
इत्था गृणन्तो महिनस्य शर्मन्दिवि प्याम पाये गोषतमाः ॥ ६.०३३.०५
सं च त्वे जग्मुर्गिर इन्द्र पूर्वीर्वि च त्वद्यन्ति विभवो मनीषाः ।
पुरा नूनं च स्तुतय ऋषीणां पस्पृध्र इन्द्रे अध्युक्थार्का ॥ ६.०३४.०१
पुरुहूतो यः पुरुगूर्त ऋभ्वाँ एकः पुरुप्रशस्तो अस्ति यज्ञैः ।
रथो न महे शवसे युजानोऽस्माभिरिन्द्रो अनुमाद्यो भूत् ॥ ६.०३४.०२
न यं हिंसन्ति धीतयो न वाणीरिन्द्रं नक्षन्तीदभि वर्धयन्तीः ।

यदि स्तोतारः शतं यत्सहस्रं गृणन्ति गिर्वणसं शं तदस्मै ॥ ६.०३४.०३
 अस्मा एतद्विव्यश्चेवं मासा मिमिक्ष इन्द्रे न्ययामि सोमः ।
 जनं न धन्वन्नभि सं यदापः सत्रा वावृधुर्हवनानि यज्ञैः ॥ ६.०३४.०४
 अस्मा एतन्महाङ्गुषमस्मा इन्द्राय स्तोत्रं मतिभिरवाचि ।
 असद्यथा महति वृत्रतूर्य इन्द्रो विश्वायुरविता वृधश्च ॥ ६.०३४.०५
 कदा भुवन्नक्षयाणि ब्रह्म कदा स्तोत्रे सहस्रपोष्यं दाः ।
 कदा स्तोमं वासयोऽस्य राया कदा धियः करसि वाजरत्नाः ॥ ६.०३५.०१
 कर्हि स्वित्तिदिन्द्र यत्रभिर्नृन्वीरैर्वीरानीळयासे जयाजीन् ।
 त्रिधातु गा अधि जयासि गोष्विन्द्र द्युम्रं स्वर्वद्धेह्यस्मे ॥ ६.०३५.०२
 कर्हि स्वित्तिदिन्द्र यञ्जरित्रे विश्वप्सु ब्रह्म कृणवः शविष्ठ ।
 कदा धियो न नियुतो युवासे कदा गोमघा हवनानि गच्छाः ॥ ६.०३५.०३
 स गोमघा जरित्रे अश्वश्चन्द्रा वाजश्रवसो अधि धेहि पृक्षः ।
 पीपिहीषः सुदुघामिन्द्र धेनुं भरद्वाजेषु सुरुचो रुरुच्याः ॥ ६.०३५.०४
 तमा नूनं वृजनमन्यथा चिच्छूरो यच्छक्र वि दुरो गृणीषे ।
 मा निररं शुक्रदुघस्य धेनोराङ्गिरसान्ब्रह्मणा विप्र जिन्व ॥ ६.०३५.०५
 सत्रा मदासस्तव विश्वजन्याः सत्रा रायोऽध ये पार्थिवासः ।
 सत्रा वाजानामभवो विभक्ता यद्देवेषु धारयथा असुर्यम् ॥ ६.०३६.०१
 अनु प्र येजे जन ओजो अस्य सत्रा दधिरे अनु वीर्याय ।
 स्यूमगृभे दुधयेऽवते च क्रतुं वृञ्जन्त्यपि वृत्रहत्ये ॥ ६.०३६.०२
 तं सध्रीचीरूतयो वृष्ण्यानि पौस्यानि नियुतः सश्चुरिन्द्रम् ।
 समुद्रं न सिन्धव उक्थशुष्मा उरुव्यचसं गिर आ विशन्ति ॥ ६.०३६.०३
 स रायस्खामुप सृजा गृणानः पुरुश्चन्द्रस्य त्वमिन्द्र वस्वः ।
 पतिर्बभूथासमो जनानामेको विश्वस्य भुवनस्य राजा ॥ ६.०३६.०४
 स तु श्रुधि श्रुत्या यो दुवोयुद्यौर्न भूमाभि रायो अर्यः ।
 असो यथा नः शवसा चकानो युगेयुगे वयसा चैकितानः ॥ ६.०३६.०५
 अर्वाग्रथं विश्ववारं त उग्रेन्द्र युक्तासो हरयो वहन्तु ।
 कीरिश्चिद्धि त्वा हवते स्वर्वानृधीमहि सधमादस्ते अद्य ॥ ६.०३७.०१

प्रो द्रोणे हरयः कर्माग्मन्पुनानास ऋज्यन्तो अभूवन् ।
 इन्द्रो नो अस्य पूर्यः पपीयाद्युक्षो मदस्य सोम्यस्य राजा ॥ ६.०३७.०२
 आसस्राणासः शवसानमच्छेन्द्रं सुचक्रे रथ्यासो अश्वः ।
 अभि श्रव ऋज्यन्तो वहेयुर्नू चिन्नु वायोरमृतं वि दस्येत् ॥ ६.०३७.०३
 वरिष्ठो अस्य दक्षिणामियतीन्द्रो मघोना तुविकूर्मितमः ।
 यया वज्रिवः परियास्यंहो मघा च धृष्णो दयसे वि सूरीन् ॥ ६.०३७.०४
 इन्द्रो वाजस्य स्थविरस्य दातेन्द्रो गीर्भिवर्धतां वृद्धमहाः ।
 इन्द्रो वृत्रं हनिष्ठो अस्तु सत्वा ता सूरिः पृणति तूतुजानः ॥ ६.०३७.०५
 अपादित उदु नश्चित्रतमो महीं भर्षद्युमतीमिन्द्रहूतिम् ।
 पन्यसीं धीतिं दैव्यस्य यामञ्जनस्य रातिं वनते सुदानुः ॥ ६.०३८.०१
 दूराच्चिदा वसतो अस्य कर्णा घोषादिन्द्रस्य तन्यति ब्रुवाणः ।
 एयमेनं देवहूतिर्वृत्यान्मद्यश्गिन्द्रमियमृच्यमाना ॥ ६.०३८.०२
 तं वो धिया परमया पुराजामजरमिन्द्रमभ्यनूष्यकैः ।
 ब्रह्मा च गिरो दधिरे समस्मिन्महाँश्च स्तोमो अधि वर्धदिन्द्रे ॥ ६.०३८.०३
 वर्धाद्यं यज्ञ उत सोम इन्द्रं वर्धाद्ब्रह्म गिर उक्था च मन्म ।
 वर्धाहेनमुषसो यामन्नक्तोर्वर्धान्मासाः शरदो द्याव इन्द्रम् ॥ ६.०३८.०४
 एवा जज्ञानं सहसे असामि वावृधानं राधसे च श्रुताय ।
 महामुग्रमवसे विप्र नूनमा विवासेम वृत्रतूर्येषु ॥ ६.०३८.०५
 मन्द्रस्य कवेर्दिव्यस्य वह्नेर्विप्रमन्मनो वचनस्य मध्वः ।
 अपा नस्तस्य सचनस्य देवेषो युवस्व गृणते गोअग्राः ॥ ६.०३९.०१
 अयमुशानः पर्यद्रिमुस्त्रा ऋतधीतिभिर्ऋतयुग्युजानः ।
 रुजदरुगणं वि वलस्य सानुं पर्णीर्वचोभिरभि योधदिन्द्रः ॥ ६.०३९.०२
 अयं द्योतयदद्युतो व्यश्क्तून्दोषा वस्तोः शरद इन्दुरिन्द्र ।
 इमं केतुमदधुर्नू चिदह्नां शुचिजन्मन उषसश्चकार ॥ ६.०३९.०३
 अयं रोचयदरुचो रुचानोऽयं वासयद्भ्युशतेन पूर्वीः ।
 अयमीयत ऋतयुग्भिरश्वैः स्वर्विदा नाभिना चर्षणिप्राः ॥ ६.०३९.०४
 नू गृणानो गृणते प्रल राजन्निषः पिन्व वसुदेयाय पूर्वीः ।

अप ओषधीरविषा वनानि गा अर्वतो नृनुचसे रिरिहि ॥ ६.०३१.०५
 इन्द्र पिब तुभ्य सुतो मदायाव स्य हरी वि मुचा सखाया ।
 उत प्र गाय गण आ निषद्याथा यज्ञाय गृणते वयो धाः ॥ ६.०४०.०१
 अस्य पिब यस्य जज्ञान इन्द्र मदाय ऋत्वे अपिबो विरष्णिन् ।
 तमु ते गावो नर आपो अद्विरिन्दुं समह्यन्पीतये समस्मै ॥ ६.०४०.०२
 समिद्धे अग्नौ सुत इन्द्र सोम आ त्वा वहन्तु हरयो वहिष्ठाः ।
 त्वायता मनसा जोहवीमीन्द्रा याहि सुविताय महे नः ॥ ६.०४०.०३
 आ याहि शश्वदुशता ययाथेन्द्र महा मनसा सोमपेयम् ।
 उप ब्रह्माणि शृणव इमा नोऽथा ते यज्ञस्तन्वेऽ वयो धात् ॥ ६.०४०.०४
 यदिन्द्र दिवि पार्ये यदृधग्यद्वा स्वे सदने यत्र वासि ।
 अतो नो यज्ञमवसे नियुत्वान्सजोषाः पाहि गिर्वणो मरुद्भिः ॥ ६.०४०.०५
 अहेळमान उप याहि यज्ञं तुभ्य पवन्त इन्द्रवः सुतासः ।
 गावो न वज्रिन्स्वमोको अच्छेन्द्रा गहि प्रथमो यज्ञियानाम् ॥ ६.०४१.०१
 या ते काकुत्सुकृता या वरिष्ठा यया शश्वत्पिबसि मध्व ऊर्मिम् ।
 तया पाहि प्र ते अध्वर्युरस्थात्सं ते वज्रो वर्ततामिन्द्र गव्युः ॥ ६.०४१.०२
 एष द्रप्सो वृषभो विश्वरूप इन्द्राय वृष्णे समकारि सोमः ।
 एतं पिब हरिवः स्थातरुग्र यस्येशिषे प्रदिवि यस्ते अन्नम् ॥ ६.०४१.०३
 सुतः सोमो असुतादिन्द्र वस्यानयं श्रेयाश्चिकितुषे रणाय ।
 एतं तितितिर्व उप याहि यज्ञं तेन विश्वास्तविषीरा पृणस्व ॥ ६.०४१.०४
 ह्यामसि त्वेन्द्र याह्यर्वाडरं ते सोमस्तन्वे भवाति ।
 शतक्रतो मादयस्वा सुतेषु प्रास्माँ अव पृतनासु प्र विक्षु ॥ ६.०४१.०५
 प्रत्यस्मै पिपीषते विश्वानि विदुषे भर ।
 अरंगमाय जग्मयेऽपश्चाद्दघ्वने नरे ॥ ६.०४२.०१
 एमेनं प्रत्येतन सोमेभिः सोमपातमम् ।
 अमत्रेभिर्ऋजीषिणमिन्द्र सुतेभिरिन्दुभिः ॥ ६.०४२.०२
 यदी सुतेभिरिन्दुभिः सोमेभिः प्रतिभूषथ ।
 वेदा विश्वस्य मेधिरो धृषत्तंमिदेषते ॥ ६.०४२.०३

अ॒स्माअ॒स्मा इ॒दन्ध॑सोऽध्व॒र्यो प्र भ॑रा सु॒तम् ।
 कु॒वित्स॑मस्य॒ जे॒न्यस्य॒ शर्ध॑तोऽभि॒शस्ते॑रव॒स्पर॑त् ॥ ६.०४२.०४
 यस्य॒ त्यच्छ॑म्बरं॒ मदे॑ दि॒वादा॑साय॒ रन्ध॑यः ।
 अ॒यं स सोम॑ इन्द्र॒ ते सु॑तः पि॒ब ॥ ६.०४३.०१
 यस्य॒ ती॒ब्रसु॑तं॒ मदं॑ मध्य॒मन्तं॑ च॒ रक्ष॑से ।
 अ॒यं स सोम॑ इन्द्र॒ ते सु॑तः पि॒ब ॥ ६.०४३.०२
 यस्य॒ गा अ॒न्तर॑श्मनो॒ मदे॑ दृ॒व्हा अ॒वासृ॑जः ।
 अ॒यं स सोम॑ इन्द्र॒ ते सु॑तः पि॒ब ॥ ६.०४३.०३
 यस्य॒ मन्दा॑नो अन्ध॒सो माघो॑नं दधि॒षे शवः॑ ।
 अ॒यं स सोम॑ इन्द्र॒ ते सु॑तः पि॒ब ॥ ६.०४३.०४
 यो र॑यिवो र॒यित॑मो॒ यो द्यु॑म्रैर्द्यु॒म्वत्त॑मः ।
 सोमः॑ सु॒तः स इन्द्र॒ तेऽस्ति॑ स्वधा॒पते॑ म॒दः ॥ ६.०४४.०१
 यः श॑ग्मस्तु॒विश॑ग्म॒ ते रा॑यो दामा॒ मती॑नाम् ।
 सोमः॑ सु॒तः स इन्द्र॒ तेऽस्ति॑ स्वधा॒पते॑ म॒दः ॥ ६.०४४.०२
 येन॑ वृ॒द्धो न श॑वसा॒ तुरो॑ न स्वाभि॒रूति॑भिः ।
 सोमः॑ सु॒तः स इन्द्र॒ तेऽस्ति॑ स्वधा॒पते॑ म॒दः ॥ ६.०४४.०३
 त्यमु॑ वो अ॒प्रह॑णं गृणी॒षे श॑वस॒स्पति॑म् ।
 इन्द्र॑ वि॒श्वासा॑हं नरं॒ मंहि॑ष्ठं वि॒श्वच॑र्षणिम् ॥ ६.०४४.०४
 यं वर्ध॑यन्ती॒द्भिरः॑ पति॒ तुर॑स्य॒ राध॑सः ।
 तमि॒त्र्वस्य॑ रोदसी॒ देवी॑ शु॒ष्मं स॑पर्यतः ॥ ६.०४४.०५
 तद्व॑ उ॒क्थ॑स्य॒ बर्ह॑णेन्द्रा॒योप॑स्तृणी॒षणि॑ ।
 वि॒पो न य॑स्यो॒तयो॑ वि॒ यद्रो॑हन्ति॒ सक्षि॑तः ॥ ६.०४४.०६
 अ॒विद॑दृक्षं॒ मि॒त्रो न॑वी॒यान्प॑पानो॒ देवे॑भ्यो॒ वस्यो॑ अ॒चैत् ।
 स॒स॒वा॒न्स्तौ॒लाभि॑र्धौ॒तरी॑भि॒रुरु॑ष्या॒ पा॒युर॑भवत्स॒खिभ्यः॑ ॥ ६.०४४.०७
 ऋ॒तस्य॑ प॒थि वे॒धा अ॑पायि॒ श्रिये॑ मना॒सि दे॒वासो॑ अ॒क्रन् ।
 द॒धानो॑ नाम॒ महो॑ वचो॒र्भिर्व॑पु॒ष्टश॑ये॒ वे॒न्यो व्या॑वः ॥ ६.०४४.०८
 द्यु॒मत्त॑मं॒ दक्ष॑ धे॒ह्यस्मे॑ से॒धा ज॑नानां॒ पूर्वी॑ररातीः ।

वर्षीयो वयः कृणुहि शचीभिर्धनस्य सातावस्माँ अविद्धि ॥ ६.०४४.०९
इन्द्र तुभ्यमिन्मघवन्नभूम वयं दात्रे हरिवो मा वि वेनः ।
नकिरापिर्ददृशे मर्त्यत्रा किमङ्ग रध्रचोदनं त्वाहुः ॥ ६.०४४.१०
मा जस्वने वृषभ नो ररीथा मा ते रेवतः सख्ये रिषाम ।
पूर्वीष्ट इन्द्र निष्पिधो जनेषु जह्यसुष्वीन्म्र वृहापृणतः ॥ ६.०४४.११
उदभ्राणीव स्तनयन्नियतीन्द्रो राधांस्यश्वानि गव्या ।
त्वमसि प्रदिवः कारुधाया मा त्वादामान आ दभन्मघोनः ॥ ६.०४४.१२
अध्वर्यो वीर प्र महे सुतानामिन्द्राय भर स ह्यस्य राजा ।
यः पूर्व्याभिरुत नूतनाभिर्गीर्भिव्वावृधे गृणतामृषीणाम् ॥ ६.०४४.१३
अस्य मदे पुरु वर्षासि विद्वानिन्द्रो वृत्राण्यप्रती जघान ।
तमु प्र होषि मधुमन्तमस्मे सोमं वीराय शिप्रिणे पिबध्वै ॥ ६.०४४.१४
पाता सुतमिन्द्रो अस्तु सोमं हन्ता वृत्रं वज्रेण मन्दसानः ।
गन्ता यज्ञं परावतश्चिदच्छा वसुधीनामविता कारुधायाः ॥ ६.०४४.१५
इदं त्यत्पात्रमिन्द्रपानमिन्द्रस्य प्रियममृतमपायि ।
मत्सद्यथा सौमनसाय देवं व्यश्स्मद्वेषो युयवद्व्यहः ॥ ६.०४४.१६
एना मन्दानो जहि शूर शत्रूञ्जामिमजामिं मघवन्नमित्रान् ।
अभिषेणाँ अभ्याश्देदिशानान्पराच इन्द्र प्र मृणा जही च ॥ ६.०४४.१७
आसु ष्मा णो मघवन्निन्द्र पृत्स्वश्स्मभ्यं महि वरिवः सुगं कः ।
अपां तोकस्य तनयस्य जेष इन्द्र सूरीन्कृणुहि स्मा नो अर्धम् ॥ ६.०४४.१८
आ त्वा हरयो वृषणो युजाना वृषरथासो वृषरश्मयोऽत्याः ।
अस्मत्राश्चो वृषणो वज्रवाहो वृष्णे मदाय सुयुजो वहन्तु ॥ ६.०४४.१९
आ ते वृषन्वृषणो द्रोणमस्थुर्घृतप्रुषो नोर्मयो मदन्तः ।
इन्द्र प्र तुभ्यं वृषभिः सुतानां वृष्णे भरन्ति वृषभाय सोमम् ॥ ६.०४४.२०
वृषासि दिवो वृषभः पृथिव्या वृषा सिन्धूनां वृषभः स्तियानाम् ।
वृष्णे त इन्दुर्वृषभ पीपाय स्वादू रसो मधुपेयो वराय ॥ ६.०४४.२१
अयं देवः सहसा जायमान इन्द्रेण युजा पणिमस्तभायत् ।
अयं स्वस्य पितुरायुधानीन्दुरमुष्णादशिवस्य मायाः ॥ ६.०४४.२२

अ॒यम॑कृ॒णोदु॑षसः सु॒पत्नी॑रयं॒ सूर्ये॑ अदधाञ्ज्योतिर॒न्तः ।
 अ॒यं त्रि॑धातु दि॒वि रो॑चनेषु त्रि॒तेषु॑ वि॒न्दद॑मृतं॒ निगू॑ळ्म ॥ ६.०४४.२३
 अ॒यं द्या॑वापृथि॒वी वि॑ ष्कभायदयं॒ रथ॑मयुनक्स॒प्त॒रश्मि॑म् ।
 अ॒यं गोषु॑ श॒च्या प॑क्तमन्तः॒ सोमो॑ दा॒धार द॑शयन्न॒मुत्स॑म् ॥ ६.०४४.२४
 य आ॒नय॑त्परा॒वतः॑ सु॒नीती॑ तुर्व॒शं यदु॑म् ।
 इन्द्रः॑ स नो॒ युवा॑ सखा ॥ ६.०४५.०१
 अ॒विप्रे॑ चि॒द्वयो॑ दधदना॒शुना॑ चि॒दर्व॑ता ।
 इन्द्रो॑ जेता॒ हितं॑ धनम् ॥ ६.०४५.०२
 म॒हीर॑स्य प्रणी॒तयः॑ पु॒र्वीरु॑त प्रशस्तयः ।
 नास्य॑ क्षीयन्त ऊ॒तयः॑ ॥ ६.०४५.०३
 सखा॑यो ब्रह्मवाह॒सेऽर्च॑त प्र च गायत ।
 स हि॒ नः प्र॑मतिर्मही ॥ ६.०४५.०४
 त्वमे॑कस्य वृत्रह॒न्नवि॑ता द्वयो॒रसि॑ ।
 उ॒तेदृ॑शे यथा व॒यम् ॥ ६.०४५.०५
 नय॑सीद्वति॒ द्विषः॑ कृ॒णोष्यु॑क्थशंसिनः ।
 नृभिः॑ सु॒वीर॑ उच्यसे ॥ ६.०४५.०६
 ब्रह्माणं॑ ब्रह्मवाहसं॒ गीर्भिः॑ सखाय॒मुग्मि॑यम् ।
 गां न दो॑हसे हुवे ॥ ६.०४५.०७
 यस्य॑ विश्वानि हस्तयो॒रूचु॑र्वसूनि॒ नि द्वि॑ता ।
 वी॒रस्य॑ पृ॒तना॑षहः ॥ ६.०४५.०८
 वि दृ॒व्हानि॑ चिदद्वि॒वो ज॑नानां शचीपते ।
 वृह॑ मा॒या अ॑नानत ॥ ६.०४५.०९
 तमु॒ त्वा स॑त्य सोमपा॒ इन्द्र॑ वाजानां पते ।
 अहू॑महि श्रव॒स्यवः॑ ॥ ६.०४५.१०
 तमु॒ त्वा यः पु॑रासि॒थ यो वा॑ नूनं॒ हिते॑ धने ।
 हव्यः॑ स श्रु॒धी ह॑वम् ॥ ६.०४५.११
 धी॒भिर॑र्वद्वि॒रर्वतो॑ वाजा॒ इन्द्र॑ श्रवाय्यान् ।

त्वया जेष्म हितं धनम् ॥ ६.०४५.१२
 अभूरु वीर गिर्वणो महाँ इन्द्र धने हिते ।
 भरे वितन्तसाय्यः ॥ ६.०४५.१३
 या त ऊतिरमित्रहन्मक्षूजवस्तमासति ।
 तथा नो हिनुही रथम् ॥ ६.०४५.१४
 स रथेन रथीतमोऽस्माकेनाभियुग्वना ।
 जेषि जिष्णो हितं धनम् ॥ ६.०४५.१५
 य एक इत्तमु घृहि कृष्टीनां विचर्षणिः ।
 पतिर्जज्ञे वृषक्रतुः ॥ ६.०४५.१६
 यो गृणतामिदासिथापिरूती शिवः सखा ।
 स त्वं न इन्द्र मृळय ॥ ६.०४५.१७
 धिष्व वज्रं गभस्त्यो रक्षोहत्याय वज्रिवः ।
 सासहीष्ठा अभि स्पृधः ॥ ६.०४५.१८
 प्रन्नं रयीणां युजं सखायं कीरिचोदनम् ।
 ब्रह्मवाहस्तमं हुवे ॥ ६.०४५.१९
 स हि विश्वानि पार्थिवाँ एको वसूनि पत्यते ।
 गिर्वणस्तमो अग्निगुः ॥ ६.०४५.२०
 स नो नियुद्धिरा पृण कामं वाजेभिरश्विभिः ।
 गोमद्विर्गोपते धृषत् ॥ ६.०४५.२१
 तद्वो गाय सुते सचा पुरुहृताय सत्वने ।
 शं यद्वे न शाकिने ॥ ६.०४५.२२
 न घा वसुर्नि यमते दानं वाजस्य गोमतः ।
 यत्सीमुप श्रवद्विरः ॥ ६.०४५.२३
 कुवित्सस्य प्र हि व्रजं गोमन्तं दस्युहा गमत् ।
 शचीभिरप नो वरत् ॥ ६.०४५.२४
 इमा उ त्वा शतक्रतोऽभि प्र णोनुवुर्गिरः ।
 इन्द्र वत्सं न मातरः ॥ ६.०४५.२५

दूणाशं सख्यं तव गौरसि वीर गव्यते ।
 अश्वो अश्वायते भव ॥ ६.०४५.२६
 स मन्दस्वा ह्यन्धसो राधसे तन्वा महे ।
 न स्तोतारं निदे करः ॥ ६.०४५.२७
 इमा उ त्वा सुतेसुते नक्षन्ते गिर्वणो गिरः ।
 वत्सं गावो न धेनवः ॥ ६.०४५.२८
 पुरूतमं पुरूणां स्तोतृणां विवाचि ।
 वाजभिर्वाजयताम् ॥ ६.०४५.२९
 अस्माकमिन्द्र भूतु ते स्तोमो वाहिष्ठो अन्तमः ।
 अस्मान्नाये महे हिनु ॥ ६.०४५.३०
 अधि बृबुः पणीनां वर्षिष्ठे मूर्धन्नस्थात् ।
 उरुः कक्षो न गाङ्गुः ॥ ६.०४५.३१
 यस्य वायोरिव द्रवद्द्रा रातिः सहस्रिणी ।
 सद्यो दानाय मंहते ॥ ६.०४५.३२
 तत्सु नो विश्वे अर्य आ सदा गृणन्ति कारवः ।
 बृबुं सहस्रदातमं सूरिं सहस्रसातमम् ॥ ६.०४५.३३
 त्वामिद्धि हवामहे साता वाजस्य कारवः ।
 त्वां वृत्रेष्विन्द्र सत्पतिं नरस्त्वां काष्ठास्वर्वतः ॥ ६.०४६.०१
 स त्वं नश्चित्र वज्रहस्त धृष्णुया महः स्तवानो अद्रिवः ।
 गामश्च रथ्यमिन्द्र सं किर सत्रा वाजं न जिग्युषे ॥ ६.०४६.०२
 यः सत्राहा विचर्षणिरिन्द्रं तं हूमहे वयम् ।
 सहस्रमुष्क तुविनृष्ण सत्पते भवा समत्सु नो वृधे ॥ ६.०४६.०३
 बाधसे जनान्वृषभेव मन्युना घृषौ मीळ्ह ऋचीषम ।
 अस्माकं बोध्यविता महाधने तनूष्वप्सु सूर्ये ॥ ६.०४६.०४
 इन्द्र ज्येष्ठ न आ भरँ ओजिष्ठं पपुरि श्रवः ।
 येनेमे चित्र वज्रहस्त रोदसी ओभे सुशिप्र प्राः ॥ ६.०४६.०५
 त्वामुग्रमवसे चर्षणीसहं राजन्देवेषु हूमहे ।

विश्वा सु नो विथुरा पिब्डना वसोऽमित्रान्सुषहान्कृधि ॥ ६.०४६.०६
यदिन्द्र नाहुषीष्वौ ओजो नृष्णं च कृष्टिषु ।
यद्वा पञ्च क्षितीनां द्युम्नमा भर सत्रा विश्वानि पौंस्या ॥ ६.०४६.०७
यद्वा तुक्षौ मघवन्द्रुह्यावा जने यत्पूरौ कच्च वृष्णयम् ।
अस्मभ्यं तद्रिरीहि सं नृषाह्येऽमित्रान्पृत्सु तुर्वणे ॥ ६.०४६.०८
इन्द्र त्रिधातु शरणं त्रिवरूथं स्वस्तिमत् ।
छुर्दिर्यच्छ मघवज्यश्च मह्यं च यावया दिद्युमेभ्यः ॥ ६.०४६.०९
ये गव्यता मनसा शत्रुमादभुरभिप्रघ्नन्ति धृष्णुया ।
अथ स्मा नो मघवत्रिन्द्र गिर्वणस्तनुपा अन्तमो भव ॥ ६.०४६.१०
अथ स्मा नो वृधे भवेन्द्र नायमवा युधि ।
यदन्तरिक्षे पतयन्ति पर्णिनो दिद्यवस्तिग्ममूर्धानः ॥ ६.०४६.११
यत्र शूरासस्तन्वो वितन्वते प्रिया शर्म पितृणाम् ।
अथ स्मा यच्छ तन्वेऽ तने च छुर्दिरचित्तं यावय द्वेषः ॥ ६.०४६.१२
यदिन्द्र सर्गे अर्वतश्चोदयासे महाधने ।
असमने अध्वनि वृजिने पथि श्येनाँ इव श्रवस्यतः ॥ ६.०४६.१३
सिन्धूरिव प्रवण आशुया यतो यदि क्लोशमनु प्वणि ।
आ ये वयो न ववृतत्यामिषि गृभीता बाह्वोर्गवि ॥ ६.०४६.१४
स्वादुष्किलायं मधुमाँ उतायं तीव्रः किलायं रसवाँ उतायम् ।
उतो न्वशस्य पपिवांसमिन्द्रं न कश्चन सहत आह्वेषु ॥ ६.०४७.०१
अयं स्वादुरिह मदिष्ठ आस यस्येन्द्रो वृत्रहत्ये ममाद ।
पुरुणि यश्चोला शम्बरस्य वि नवतिं नव च देह्योऽ हन् ॥ ६.०४७.०२
अयं मे पीत उदियति वाचमयं मनीषामुशतीमजीगः ।
अयं षळुर्वीरमिमीत धीरो न याभ्यो भुवनं कच्चनारे ॥ ६.०४७.०३
अयं स यो वरिमाणं पृथिव्या वर्ष्माणं दिवो अकृणोदयं सः ।
अयं पीयूषं तिसृषु प्रवत्सु सोमो दाधारोर्वशन्तरिक्षम् ॥ ६.०४७.०४
अयं विदच्चित्रदृशीकर्मणः शुक्रसद्वनामुषसामनीके ।
अयं महान्महता स्कम्भनेनोद्यामस्तभ्राद्धुषभो मरुत्वान् ॥ ६.०४७.०५

धृषत्पिब कलशे सोममिन्द्र वृत्रहा शूर समरे वसूनाम् ।
 माध्यंदिने सवन आ वृषस्व रयिस्थानो रयिमस्मासु धेहि ॥ ६.०४७.०६
 इन्द्र प्र णः पुरएतेव पश्य प्र नो नय प्रतरं वस्यो अच्छ ।
 भवा सुपारो अतिपारयो नो भवा सुनीतिरुत वामनीतिः ॥ ६.०४७.०७
 उरुं नो लोकमनु नेषि विद्वान्स्वर्वज्ज्योतिरभयं स्वस्ति ।
 ऋष्वा त इन्द्र स्थविरस्य बाहू उप स्थेयाम शरणा बृहन्ता ॥ ६.०४७.०८
 वरिष्ठे न इन्द्र वन्धुरे धा वहिष्ठयोः शतावन्नश्वयोरा ।
 इषमा वक्षीषां वर्षिष्ठां मा नस्तारीन्मघवत्रायो अर्यः ॥ ६.०४७.०९
 इन्द्र मृळ मह्य जीवातुमिच्छ चोदय धियमयसो न धाराम् ।
 यत्किं चाहं त्वायुरिदं वदामि तञ्जुषस्व कृधि मा देववन्तम् ॥ ६.०४७.१०
 त्रातारमिन्द्रमवितारमिन्द्रं हवेहवे सुहवं शूरमिन्द्रम् ।
 ह्यामि शक्रं पुरुहूतमिन्द्रं स्वस्ति नो मघवा धात्विन्द्रः ॥ ६.०४७.११
 इन्द्रः सुत्रामा स्ववाँ अवोभिः सुमृळीको भवतु विश्ववेदाः ।
 बाधतां द्वेषो अभयं कृणोतु सुवीर्यस्य पतयः स्याम ॥ ६.०४७.१२
 तस्य वयं सुमतौ यज्ञियस्यापि भद्रे सौमनसे स्याम ।
 स सुत्रामा स्ववाँ इन्द्रो अस्मे आराच्चिद्वेषः सनुतर्युयोतु ॥ ६.०४७.१३
 अव त्वे इन्द्र प्रवतो नोर्मिर्गिरो ब्रह्माणि नियुतो धवन्ते ।
 उरू न राधः सवना पुरूण्यपो गा वज्रिन्युवसे समिन्दून् ॥ ६.०४७.१४
 क ई स्तवत्कः पृणात्को यजाते यदुग्रमिन्मघवा विश्वहावेत् ।
 पादाविव प्रहरन्नन्यमन्यं कृणोति पूर्वमपरं शचीभिः ॥ ६.०४७.१५
 शुण्वे वीर उग्रमुग्रं दमायन्नन्यमन्यमतिनेनीयमानः ।
 एधमानद्विल्लुभयस्य राजा चोष्कूयते विश इन्द्रो मनुष्यान् ॥ ६.०४७.१६
 परा पूर्वेषां सख्या वृणक्ति वितर्तुराणो अपरेभिरेति ।
 अनानुभूतीरवधून्वानः पूर्वोरिन्द्रः शरदस्तर्तरीति ॥ ६.०४७.१७
 रूपंरूपं प्रतिरूपो बभूव तदस्य रूपं प्रतिचक्षणाय ।
 इन्द्रो मायाभिः पुरुरूप ईयते युक्ता ह्यस्य हरयः शता दश ॥ ६.०४७.१८
 युजानो हरिता रथे भूरि त्वष्टेह राजति ।

को विश्वाहा द्विषतः पक्ष आसत उतासीनेषु सूरिषु ॥ ६.०४७.१९
 अगव्युति क्षेत्रमागन्म देवा उर्वी सती भूमिरंहूणाभूत् ।
 बृहस्पते प्र चिकित्सा गविष्ठावित्था सते जरित्र इन्द्र पन्थाम् ॥ ६.०४७.२०
 दिवेदिवे सदृशीरन्यमर्धं कृष्णा असेधदप सद्मनो जाः ।
 अहन्दासा वृषभो वस्त्रयन्तोदन्नजे वर्चिनं शम्बरं च ॥ ६.०४७.२१
 प्रस्तोक इन्नु राधसस्त इन्द्र दश कोशयीर्दश वाजिनोऽदात् ।
 दिवोदासादतिथिग्वस्य राधः शाम्बरं वसु प्रत्यग्रभीष्म ॥ ६.०४७.२२
 दशाश्वान्दश कोशान्दश वस्त्राधिभोजना ।
 दशो हिरण्यपिण्डान्दिवोदासादसानिषम् ॥ ६.०४७.२३
 दश रथान्प्रष्टिमतः शतं गा अथर्वभ्यः ।
 अश्वथः पायवेऽदात् ॥ ६.०४७.२४
 महि राधो विश्वजन्यं दधानान्भरद्वाजान्सार्षयो अभ्ययष्ट ॥ ६.०४७.२५
 वनस्पते वीङ्गो हि भूया अस्मत्सखा प्रतरणः सुवीरः ।
 गोभिः संनद्धो असि वीळ्यस्वास्थाता ते जयतु जेत्वानि ॥ ६.०४७.२६
 दिवस्पृथिव्याः पर्योज उद्धृतं वनस्पतिभ्यः पर्याभृतं सहः ।
 अपामोज्मानं परि गोभिरावृतमिन्द्रस्य वज्रं हविषा रथं यज ॥ ६.०४७.२७
 इन्द्रस्य वज्रो मरुतामनीकं मित्रस्य गर्भो वरुणस्य नाभिः ।
 सेमां नो हव्यदातिं जुषाणो देव रथ प्रति हव्या गृभाय ॥ ६.०४७.२८
 उप श्वासय पृथिवीमुत द्यां पुरुत्रा ते मनुतां विष्टितं जगत् ।
 स दुन्दुभे सजूरिन्द्रेण देवैर्दूराद्दवीयो अप सेध शत्रून् ॥ ६.०४७.२९
 आ क्रन्दय बलमोजो न आ धा निः ष्टनिहि दुरिता बाधमानः ।
 अप प्रोथ दुन्दुभे दुच्छुना इत इन्द्रस्य मुष्टिरसि वीळ्यस्व ॥ ६.०४७.३०
 आमूरज प्रत्यावर्तयेमाः केतुमद्दुभिर्वावदीति ।
 समश्वपर्णाश्चरन्ति नो नरोऽस्माकमिन्द्र रथिनो जयन्तु ॥ ६.०४७.३१
 यज्ञायज्ञा वो अग्रये गिरागिरा च दक्षसे ।
 प्रप्र वयममृतं जातवेदसं प्रियं मित्रं न शसिषम् ॥ ६.०४८.०१
 ऊर्जो नपातं स हिनायमस्मयुर्दाशेम हव्यदातये ।

भुवद्वाजेष्वविता भुवद्बुध उत त्राता तनूनाम् ॥ ६.०४८.०२
 वृषा ह्यग्ने अजरो महान्विभास्यर्चिषा ।
 अजस्रेण शोचिषा शोशुचच्छुचे सुदीतिभिः सु दीदिहि ॥ ६.०४८.०३
 महो देवान्यजसि यक्ष्यानुषक्तव ऋत्वोत दंसना ।
 अर्वाचः सीं कृणुह्यग्नेऽवसे रास्व वाजोत वस्व ॥ ६.०४८.०४
 यमापो अद्रयो वना गर्भमृतस्य पिप्रति ।
 सहसा यो मथितो जायते नृभिः पृथिव्या अधि सानवि ॥ ६.०४८.०५
 आ यः पप्रौ भानुना रोदसी उभे धूमेन धावते दिवि ।
 तिरस्तमो ददृश ऊर्म्यास्वा श्यावास्वरूपो वृषा श्यावा अरुपो वृषा ॥ ६.०४८.०६
 बृहद्विरग्ने अर्चिभिः शुक्रेण देव शोचिषा ।
 भरद्वाजे समिधानो यविष्ठप रेवन्नः शुक्र दीदिहि द्युमत्पावक दीदिहि ॥ ६.०४८.०७
 विश्वासां गृहपतिर्विशामसि त्वमग्ने मानुषीणाम् ।
 शतं पूर्भिर्यविष्ठ पाह्यंहसः समेद्धारं शतं हिमाः स्तोतृभ्यो ये च ददति ॥ ६.०४८.०८
 त्वं नश्चित्र ऊत्या वसो राधांसि चोदय ।
 अस्य रायस्त्वमग्ने रथीरसि विदा गाधं तुचे तु नः ॥ ६.०४८.०९
 पर्षिं तोकं तनयं पृथुभिष्ट्वमदब्धैरप्रयुत्वभिः ।
 अग्ने हेळांसि दैव्या युयोधि नोऽदेवानि ह्वरांसि च ॥ ६.०४८.१०
 आ सखायः सबर्दुघा धेनुमजध्वमुप नव्यसा वचः ।
 सृजध्वमनपस्फुराम् ॥ ६.०४८.११
 या शर्धाय मारुताय स्वभानवे श्रवोऽमृत्यु धुक्षत ।
 या मृळीके मरुतां तुराणां या सुमैरेवयावरी ॥ ६.०४८.१२
 भरद्वाजायाव धुक्षत द्विता ।
 धेनुं च विश्वदोहसमिषं च विश्वभोजसम् ॥ ६.०४८.१३
 तं व इन्द्रं न सुक्रतुं वरुणामिव मायिनम् ।
 अर्यमणं न मन्द्रं सुप्रभोजसं विष्णुं न स्तुष आदिशे ॥ ६.०४८.१४
 त्वेषं शर्धो न मारुतं तुविष्वण्यनर्वाणं पूषणं सं यथा शता ।
 सं सहस्रा कारिषच्चर्षणिभ्य आँ आविर्गूळ्हा वसू करत्सुवेदा नो वसू करत् ॥ ६.०४८.१५

आ मा पूषन्नुप द्रव शंसिषं नु ते अपिकर्ण आघृणे ।
 अघा अर्यो अरातयः ॥ ६.०४८.१६
 मा काकम्बीरमुद्धृहो वनस्पतिमशस्तीर्वि हि नीनशः ।
 मोत सूरु अह एवा चन ग्रीवा आदधते वेः ॥ ६.०४८.१७
 दृतेरिव तेऽवृकमस्तु सख्यम् ।
 अच्छिद्रस्य दधन्वतः सुपूर्णस्य दधन्वतः ॥ ६.०४८.१८
 परो हि मर्त्यैरसि समो देवैरुत श्रिया ।
 अभि ख्यः पूषन्पृतनासु नस्त्वमवा नूनं यथा पुरा ॥ ६.०४८.१९
 वामी वामस्य धूतयः प्रणीतिरस्तु सूनृता ।
 देवस्य वा मरुतो मर्त्यस्य वेजानस्य प्रयज्यवः ॥ ६.०४८.२०
 सद्यश्चिद्यस्य चकृतिः परि द्यां देवो नैति सूर्यः ।
 त्वेषं शवो दधिरे नाम यज्ञियं मरुतो वृत्रहं शवो ज्येष्ठं वृत्रहं शवः ॥ ६.०४८.२१
 सकृद्ध द्यौरजायत सकृद्भूमिरजायत ।
 पृथ्या दुग्धं सकृत्पयस्तदन्यो नानु जायते ॥ ६.०४८.२२
 स्तुषे जनं सुव्रतं नव्यसीभिर्गीर्भिर्मित्रावरुणा सुम्रयन्ता ।
 त आ गमन्तु त इह श्रुवन्तु सुक्षत्रासो वरुणो मित्रो अग्निः ॥ ६.०४९.०१
 विशोविश ईडामध्वरेष्वदृप्तक्रतुमरति युवत्योः ।
 दिवः शिशुं सहसः सूनुमग्निं यज्ञस्य केतुमरुषं यजध्वै ॥ ६.०४९.०२
 अरुषस्य दुहितरा विरूपे स्तृभिरन्या पिपिशे सूरु अन्या ।
 मिथस्तुरा विचरन्ती पावके मन्म श्रुतं नक्षत ऋच्यमाने ॥ ६.०४९.०३
 प्र वायुमच्छा बृहती मनीषा बृहद्रयिं विश्ववारं रथप्राम् ।
 द्युतद्यामा नियुतः पत्यमानः कविः कविमियक्षसि प्रयज्यो ॥ ६.०४९.०४
 स मे वपुश्छदयदश्विनोर्यो रथो विरुकमान्मनसा युजानः ।
 येन नरा नासत्येषयध्वै वर्तिर्याथस्तनयाय त्मने च ॥ ६.०४९.०५
 पर्जन्यवाता वृषभा पृथिव्याः पुरीषाणि जिन्वतमप्यानि ।
 सत्यश्रुतः कवयो यस्य गीर्भिर्जगतः स्थातर्जगदा कृणुध्वम् ॥ ६.०४९.०६
 पावीरवी कन्या चित्रायुः सरस्वती वीरपत्नी धियं धात् ।

ग्राभिरच्छिद्रं शरणं सजोषा दुराधर्षं गृणते शर्म यंसत् ॥ ६.०४९.०७
 पथस्पथः परिपतिं वचस्या कामेन कृतो अभ्यानळर्कम् ।
 स नो रासच्छुरुधश्चन्द्राग्रा धियं धियं सीषधाति प्र पूषा ॥ ६.०४९.०८
 प्रथमभाजं यशसं वयोधां सुपाणिं देवं सुगभस्तिमृभ्वम् ।
 होता यक्षद्यजतं पस्त्यानामग्निस्त्वष्टारं सुहवं विभावा ॥ ६.०४९.०९
 भुवनस्य पितरं गीर्भिराभी रुद्रं दिवा वर्धया रुद्रमत्तौ ।
 बृहन्तमृष्वमजरं सुषुम्नमृधग्धुवेम कविनेषितासः ॥ ६.०४९.१०
 आ युवानः कवयो यज्ञियासो मरुतो गन्त गृणतो वरस्याम् ।
 अचित्रं चिद्धि जिन्वथा वृधन्त इत्था नक्षन्तो नरो अङ्गिरस्वत् ॥ ६.०४९.११
 प्र वीराय प्र तवसे तुरायाजा यूथेव पशुरक्षिरस्तम् ।
 स पिस्पृशति तन्वि श्रुतस्य स्तुभिर्न नाकं वचनस्य विपः ॥ ६.०४९.१२
 यो रजासि विममे पार्थिवानि त्रिश्चिद्विष्णुर्मनवे बाधिताय ।
 तस्य ते शर्मन्नुपदद्यमाने राया मदेम तन्वा३ तना च ॥ ६.०४९.१३
 तन्नोऽहिर्बुध्यो अङ्गिरकैस्तत्पर्वतस्तत्सविता चनो धात् ।
 तदोषधीभिरभि रातिषाचो भगः पुरधिर्जिन्वतु प्र राये ॥ ६.०४९.१४
 नु नो रयिं रथ्यं चर्षणिप्रां पुरुवीरं मह ऋतस्य गोपाम् ।
 क्षयं दाताजरं येन जनान्स्पृधो अदेवीरभि च क्रमाम विश आदेवीरभ्यश्रवाम ॥
 ६.०४९.१५
 हवे वो देवीमदितिं नमोभिर्मृळीकाय वरुणं मित्रमग्निम् ।
 अभिक्षदामर्यमणं सुशेवं त्रातृन्देवान्सवितारं भगं च ॥ ६.०५०.०१
 सुज्योतिषः सूर्यं दक्षपितृननागास्त्वे सुमहो वीहि देवान् ।
 द्विजन्मानो य ऋतसापः सत्याः स्वर्वन्तो यजता अग्निजिह्वाः ॥ ६.०५०.०२
 उत द्यावापृथिवी क्षत्रमुरु बृहद्रौदसी शरणं सुषुम्ने ।
 महस्करथो वरिवो यथा नोऽस्मे क्षयाय धिषणे अनेहः ॥ ६.०५०.०३
 आ नो रुद्रस्य सूनवो नमन्तामद्या हूतासो वसवोऽधृष्टाः ।
 यदीमर्भं महति वा हितासो बाधे मरुतो अह्वाम देवान् ॥ ६.०५०.०४
 मिम्यक्ष येषु रोदसी नु देवी सिषक्ति पूषा अभ्यर्धयज्वा ।

श्रुत्वा हव॑ मरुतो॑ यद्ध॑ याथ॑ भूमा॑ रेजन्ते॑ अध्वनि॑ प्रवित्ते ॥ ६.०५०.०५
 अभि॑ त्यं वी॑रं गिर्वण॑समर्चेन्द्रं॑ ब्रह्मणा॑ जरित॑र्नवेन ।
 श्रव॑दिद्धवमुप॑ च स्तवानो॑ रासद्वाजाँ॑ उप॑ महो॑ गृणानः ॥ ६.०५०.०६
 ओमान॑मापो॑ मानुषी॑रमृक्तं॑ धात॑ तोकाय॑ तनयाय॑ शं योः ।
 यूयं॑ हि ष्ठा॑ भिषजो॑ मातृ॑तमा॑ विश्व॑स्य स्था॑तुर्जगतो॑ जनित्रीः ॥ ६.०५०.०७
 आ नो॑ देवः स॑विता॒ त्राय॑माणो॒ हिरण्य॑पाणि॒र्यज॑तो जग॑म्यात् ।
 यो दत्र॑वाँ उ॒षसो॑ न प्रती॑कं व्यू॒र्णुते॑ दा॒शुषे॑ वा॒योणि ॥ ६.०५०.०८
 उत॑ त्वं सू॒नो सह॑सो नो अ॒द्या दे॒वाँ अ॒स्मिन्न॑ध्वरे॒ ववृ॑त्याः ।
 स्याम॑हं ते॒ सद॑मि॒द्रातौ॑ तव॒ स्याम॑ग्नेऽवसा॒ सुवी॑रः ॥ ६.०५०.०९
 उत॑ त्या॒ मे ह॒वमा॑ जग॑म्यातं॒ नास॑त्या॒ धीभि॑र्यु॒वम॑ङ्ग॒ विप्रा॑ ।
 अत्रि॑ न मह॑स्तमसोऽमु॒मुक्तं॑ तू॒र्वतं॑ नरा॒ दुरि॑ताद॒भीके ॥ ६.०५०.१०
 ते नो॑ रा॒यो द्यु॑मतो॒ वाज॑वतो॒ दाता॑रो भू॒त नृ॑वतः॒ पुरु॑क्षोः ।
 दश॑स्यन्तो॒ दिव्याः॑ पा॒र्थिवा॑सो॒ गोजा॑ता॒ अप्या॑ मृ॒ळता॑ च दे॒वाः ॥ ६.०५०.११
 ते नो॑ रु॒द्रः सर॑स्वती॒ सजो॑षा॒ मीळु॑ष्मन्तो॒ विष्णु॑र्मृ॒ळन्तु॑ वा॒युः ।
 ऋ॒भुक्षा॑ वाजो॒ दैव्यो॑ वि॒धाता॑ प॒र्जन्या॑वाता॒ पिप्य॑तामिष॒ नः ॥ ६.०५०.१२
 उत॑ स्य दे॒वः स॑विता॒ भगो॑ नोऽपां॒ नपा॑दवतु॒ दानु॑ पप्रिः ।
 त्वष्टा॑ दे॒वेभि॑र्जनिभिः॒ सजो॑षा॒ द्यौर्दे॑वेभिः॒ पृथि॑वी॒ समु॑द्रैः ॥ ६.०५०.१३
 उत॑ नोऽहि॑र्बु॒ध्यः शृ॑णोत्व॒ज एक॑पात्पृथि॒वी समु॑द्रः ।
 विश्वे॑ दे॒वा ऋ॑तावृ॒धो हु॑वानाः॒ स्तुता॑ मन्नाः॒ कवि॑शस्ता॒ अव॑न्तु ॥ ६.०५०.१४
 ए॒वा नपा॑तो॒ मम॑ तस्य॒ धीभि॑र्भर॒द्वाजा॑ अ॒भ्यर्च॑न्त्य॒कैः ।
 ग्रा॑ ह॒तासो॑ वस॒वोऽधृ॑ष्टा॒ विश्वे॑ स्तु॒तासो॑ भू॒ता यज॑त्राः ॥ ६.०५०.१५
 उदु॑ त्यच्च॒क्षुर्म॑हि॒ मित्र॑यो॒राँ एति॑ प्रि॒यं वरु॑णयो॒रद॑ब्धम् ।
 ऋ॒तस्य॑ शुचि॒ दर्श॑तम॒नीकं॑ रु॒क्मो॑ न दि॒व उदि॑ता॒ व्यद्यौ॑त् ॥ ६.०५१.०१
 वेद॑ यस्त्रीणि॒ विद॑थान्येषां॒ दे॒वानां॑ जन्म॒ सनु॑तरा॒ च वि॑प्रः ।
 ऋ॒जु म॑र्तेषु॒ वृजि॑ना॒ च प॑श्यन्नभि॒ चष्टे॑ सू॒रो अ॑र्य॒ एवान् ॥ ६.०५१.०२
 स्तुष॑ उ॒ वो मह॑ ऋ॒तस्य॑ गो॒पान॑दि॒तिं मि॑त्रं वरु॒णं सु॑जा॒तान् ।
 अ॒र्यम॑णं॒ भग॑मद॒ब्धधी॑ती॒नच्छा॑ वो॒चे स॑ध॒न्यः पा॑व॒कान् ॥ ६.०५१.०३

रिशादसः सत्पतीँरदब्धान्महो राज्ञः सुवसनस्य दातृन् ।
 यून्ः सुक्षत्रान्क्षयतो दिवो नृनादित्यान्याम्यदितिं दुवोयु ॥ ६.०५१.०४
 द्यौश्षितः पृथिवि मातरध्रुगग्ने भ्रातर्वसवो मूळता नः ।
 विश्व आदित्या अदिते सजोषा अस्मभ्यं शर्म बहूलं वि यन्त ॥ ६.०५१.०५
 मा नो वृकाय वृक्ये समस्मा अघायते रीरधता यजत्राः ।
 यूयं हि ष्ठा रथ्यो नस्तनूना यूयं दक्षस्य वचसो बभूव ॥ ६.०५१.०६
 मा व एनो अन्यकृतं भुजेम मा तत्कर्म वसवो यच्चयध्वे ।
 विश्वस्य हि क्षयथ विश्वदेवाः स्वयं रिपुस्तन्व रीरिषीष्ट ॥ ६.०५१.०७
 नम इदुग्रं नम आ विवासे नमो दाधार पृथिवीमुत द्याम् ।
 नमो देवेभ्यो नम ईश एषां कृतं चिदेनो नमसा विवासे ॥ ६.०५१.०८
 ऋतस्य वो रथ्यः पूतदक्षानृतस्य पस्त्यसदो अदब्धान् ।
 ताँ आ नमोभिरुरुचक्षसो नृन्विश्वान्व आ नमे महो यजत्राः ॥ ६.०५१.०९
 ते हि श्रेष्ठवर्चसस्त उ नस्तिरो विश्वानि दुरिता नयन्ति ।
 सुक्षत्रासो वरुणो मित्रो अग्निर्ऋतधीतयो वक्त्रराजसत्याः ॥ ६.०५१.१०
 ते न इन्द्रः पृथिवी क्षाम वर्धन्पूषा भगो अदितिः पञ्च जनाः ।
 सुशर्माणः स्ववसः सुनीथा भवन्तु नः सुत्रात्रासः सुगोपाः ॥ ६.०५१.११
 नू सद्धानं दिव्यं नंशि देवा भारद्वाजः सुमतिं याति होता ।
 आसानेभिर्यजमानो मियेधैर्देवानां जन्म वसूयुर्ववन्द ॥ ६.०५१.१२
 अप त्यं वृजिनं रिपुं स्तेनमग्ने दुराध्यम् ।
 दविष्ठमस्य सत्पते कृधो सुगम् ॥ ६.०५१.१३
 ग्रावाणः सोम नो हि कं सखित्वनाय वावशुः ।
 जही न्यश्त्रिणं पणिं वृको हि षः ॥ ६.०५१.१४
 यूयं हि ष्ठा सुदानव इन्द्रज्येष्ठा अभिद्यवः ।
 कर्ता नो अध्वन्ना सुगं गोपा अमा ॥ ६.०५१.१५
 अपि पन्थामगन्महि स्वस्तिगामनेहसम् ।
 येन विश्वाः परि द्विषो वृणक्ति विन्दते वसु ॥ ६.०५१.१६
 न तद्दिवा न पृथिव्यान् मन्ये न यज्ञेन नोत शर्मीभिराभिः ।

उ॒ज॒न्तु॒ तं सु॒भ्व॑ः॒ पर्व॑तासो॒ नि ही॑यतामति॒याज॑स्य॒ यष्टा॑ ॥ ६.०५२.०१
 अ॒ति वा॒ यो मरु॑तो॒ मन्य॑ते नो॒ ब्रह्म॑ वा॒ यः क्रि॑यमाणं॒ निनि॑त्सात् ।
 तपू॑षि॒ तस्मै॑ वृ॒जि॒नानि॑ सन्तु॒ ब्रह्म॑द्विषमभि॒ तं शो॑चतु॒ द्यौः ॥ ६.०५२.०२
 कि॒मङ्ग॑ त्वा॒ ब्रह्म॑णः॒ सोम॑ गो॒पां कि॒मङ्ग॑ त्वा॒हुरभि॑शस्ति॒पां नः॑ ।
 कि॒मङ्ग॑ नः॒ पश्य॑सि॒ निद्य॑मानान्ब्रह्म॒द्विषे॑ तपुषिं॒ हेति॑मस्य ॥ ६.०५२.०३
 अ॒वन्तु॒ मामु॑षसो॒ जाय॑माना॒ अ॒वन्तु॒ मा सि॒न्धवः॑ पि॒न्वमा॑नाः ।
 अ॒वन्तु॒ मा पर्व॑तासो॒ ध्रुवा॑सोऽवन्तु॒ मा पि॑तरो॒ देव॑हूतौ ॥ ६.०५२.०४
 वि॒श्वदा॑नी॒ सुम॑नसः॒ स्याम॑ पश्ये॒म नु॒ सूर्य॑मुच्चरन्तम् ।
 तथा॑ कर॒द्वसु॑पतिर्वसूनां॒ देवाँ॑ ओ॒हानो॑ऽवसागमिष्ठः ॥ ६.०५२.०५
 इन्द्रो॑ नेदिष्ठमवसागमिष्ठः॒ सर॑स्वती॒ सिन्धु॑भिः॒ पिन्व॑माना ।
 पर्ज॑न्यो॒ न ओष॑धीभिर्मयो॒भुरग्निः॑ सुशंसः॒ सुह॑वः॒ पिते॑व ॥ ६.०५२.०६
 वि॒श्वे दे॒वास॑ आ गत॒ शृणु॑ता म॒ इमं॑ हवम् ।
 ए॒दं ब॑र्हिर्नि॒ षी॑दत ॥ ६.०५२.०७
 यो वो॑ दे॒वा घृ॑तस्नुना॒ हव्ये॑न॒ प्रति॑भूषति ।
 तं वि॒श्व उप॑ गच्छथ ॥ ६.०५२.०८
 उप॑ नः॒ सून॑वो॒ गिरः॑ शृण्वन्त्वमृतस्य॒ ये ।
 सु॒मृळी॑का भवन्तु॒ नः ॥ ६.०५२.०९
 वि॒श्वे दे॒वा ऋ॑तावृध॒ ऋतु॑भिर्हवनश्रुतः ।
 जु॒षन्तां॑ यु॒ज्यं प॑यः ॥ ६.०५२.१०
 स्तो॒त्रमिन्द्रो॑ मरु॒द्गण॑स्त्वष्टृ॒मान्मि॒त्रो अ॑र्यमा ।
 इ॒मा ह॑व्या जुषन्त॒ नः ॥ ६.०५२.११
 इ॒मं नो॑ अ॒ग्ने अ॒ध्वरं॑ होत॒र्वयु॑नशो॒ यज॑ ।
 चि॒कित्वा॑न्दै॒व्यं ज॑नम् ॥ ६.०५२.१२
 वि॒श्वे दे॒वाः शृणु॑तेमं॒ हव॑ मे॒ ये अ॒न्तरि॑क्षे॒ य उप॑ द्यवि॒ ष्ट ।
 ये अ॒ग्निजि॑ह्वा॒ उत॑ वा॒ यज॑त्रा॒ आस॑द्यास्मिन्ब॒र्हिषि॑ मादयध्वम् ॥ ६.०५२.१३
 वि॒श्वे दे॒वा मम॑ शृण्वन्तु॒ यज्ञि॑या॒ उ॒भे रो॑दसी॒ अ॒पां न॑पाच्च॒ मम॑ ।
 मा वो॑ वचा॒सि परि॑चक्ष्याणि॒ वोचं॑ सु॒म्रेष्वि॒द्वो अ॑न्तमा॒ मदे॑म ॥ ६.०५२.१४

ये के च ज्मा महिनो अहिमाया दिवो जज्ञिरे अपां सधस्थे ।
 ते अस्मभ्यमिषये विश्वमायुः क्षप उस्ना वरिवस्यन्तु देवाः ॥ ६.०५२.१५
 अग्नीपर्जन्याववतं धियं मेऽस्मिन्हवे सुहवा सुष्टुतिं नः ।
 इळामन्यो जनयद्रभमन्यः प्रजावतीरिष आ धत्तमस्मे ॥ ६.०५२.१६
 स्तीर्णे बर्हिषि समिधाने अग्नौ सूक्तेन महा नमसा विवासे ।
 अस्मिन्नो अद्य विदथे यजत्रा विश्वे देवा हविषि मादयध्वम् ॥ ६.०५२.१७
 वयमु त्वा पथस्पते रथं न वाजसातये ।
 धिये पूषन्नयुज्महि ॥ ६.०५३.०१
 अभि नो नर्यं वसु वीरं प्रयतदक्षिणम् ।
 वामं गृहपतिं नय ॥ ६.०५३.०२
 अदित्सन्तं चिदाघृणे पूषन्दानाय चोदय ।
 पणेश्चिद्वि म्रदा मनः ॥ ६.०५३.०३
 वि पथो वाजसातये चिनुहि वि मृधो जहि ।
 साधन्तामुग्र नो धियः ॥ ६.०५३.०४
 परि तृन्धि पणीनामारया हृदया कवे ।
 अथेमस्मभ्यं रन्धय ॥ ६.०५३.०५
 वि पूषन्नारया तुद पणेरिच्छ हृदि प्रियम् ।
 अथेमस्मभ्यं रन्धय ॥ ६.०५३.०६
 आ रिख किकिरा कृणु पणीनां हृदया कवे ।
 अथेमस्मभ्यं रन्धय ॥ ६.०५३.०७
 यां पूषन्न्रह्मचोदनीमारां बिभर्ष्याघृणे ।
 तया समस्य हृदयमा रिख किकिरा कृणु ॥ ६.०५३.०८
 या ते अष्टा गूपशाघृणे पशुसाधनी ।
 तस्यास्ते सुम्रमीमहे ॥ ६.०५३.०९
 उत नो गोषणिं धियमश्वसां वाजसामुत ।
 नृवत्कृणुहि वीतये ॥ ६.०५३.१०
 सं पूषन्विदुषा नय यो अञ्जसानुशासति ।

य ए॒वेदमि॑ति ब्र॒वत् ॥ ६.०५४.०१
 समु॑ पू॒ष्णा ग॑मेमहि॒ यो गृ॒ह्णां अ॑भि॒शास॑ति ।
 इ॒म ए॒वेति॑ च ब्र॒वत् ॥ ६.०५४.०२
 पू॒ष्णाश्च॑क्रं न रि॒ष्यति॑ न कोशोऽव॑ पद्यते ।
 नो अ॒स्य व्य॑थते॒ पविः॑ ॥ ६.०५४.०३
 यो अ॒स्मै ह॒विषा॑विध॒न्न तं पू॒षापि॑ मृष्यते ।
 प्र॒थमो॑ वि॒न्दते॑ वसु ॥ ६.०५४.०४
 पू॒षा गा॑ अ॒न्वेतु॑ नः पू॒षा र॑क्ष॒त्वर्व॑तः ।
 पू॒षा वा॑जं स॒नोतु॑ नः ॥ ६.०५४.०५
 पू॒षन्न॑नु प्र गा॒ इहि॑ यज॒मान॑स्य सु॒न्वतः॑ ।
 अ॒स्माकं॑ स्तु॒वता॑मुत ॥ ६.०५४.०६
 माकि॑र्ने॒शन्मा॑की॒ रिष॑न्मा॒की सं शारि॑ के॒वटे॑ ।
 अथारि॑ष्टा॒भिरा॑ ग॒हि ॥ ६.०५४.०७
 शु॒ण्वन्त॑ पू॒षणं॑ व॒यमि॑र्य॒मन॑ष्ट॒वेद॑सम् ।
 ई॒शानं॑ रा॒य ई॒महे॑ ॥ ६.०५४.०८
 पू॒षन्त॑व ब्र॒ते व॑यं न रि॒ष्येम॑ कदा॒ चन॑ ।
 स्तो॒तार॑स्त॒ इह॑ स्म॒सि ॥ ६.०५४.०९
 परि॑ पू॒षा पर॑स्ता॒द्धस्त॑ दधातु॒ दक्षि॑णम् ।
 पु॒नर्नो॑ न॒ष्टमा॑जतु ॥ ६.०५४.१०
 ए॒हि वां वि॑मु॒चो न॑पा॒दाघृ॑णे सं स॒चाव॑है ।
 र॒थीर्ऋ॑तस्य॒ नो भ॑व ॥ ६.०५५.०१
 र॒थीत॑मं क॒पर्दि॑न॒मीशा॑नं॒ राध॑सो॒ महः॑ ।
 रा॒यः स॒खाय॑मीमहे ॥ ६.०५५.०२
 रा॒यो धा॑रा॒स्याघृ॑णे वसो॒ रा॒शिर॑जाश्व ।
 धी॒वतो॑धी॒वतः॑ स॒खा ॥ ६.०५५.०३
 पू॒षणं॑ न्व॒श॒जाश्व॑मुप॒ स्तोषा॑म वा॒जिन॑म् ।
 स्व॒सुर्यो॑ जा॒र उ॒च्यते॑ ॥ ६.०५५.०४

मा॒तु॒दि॒धि॒षु॒म॒ब्र॒वं॒ स्व॒सु॒र्जा॒रः॒ शृ॒णो॒तु॒ नः॒ ।
 भ्रा॒ते॒न्द्र॒स्य॒ स॒खा॒ म॒म ॥ ६.०५५.०५
 आ॒जा॒सः॒ पू॒षणं॑ रथे॒ नि॒शु॒म्भा॒स्ते॒ ज॒न॒श्रि॒यम् ।
 दे॒वं व॒हन्तु॑ बिभ्रतः ॥ ६.०५५.०६
 य ए॒न॒मा॒दि॒देश॑ति॒ कर॒म्भा॒दि॒ति॑ पू॒षण॑म् ।
 न ते॒न दे॒व आ॒दि॒शे ॥ ६.०५६.०१
 उ॒त घा॒ स रथी॑तमः॒ स॒ख्या॒ स॒त्प॒तिर्यु॑जा ।
 इन्द्रो॑ वृ॒त्राणि॑ जिघ्रते ॥ ६.०५६.०२
 उ॒तादः॑ प॒रु॒षे ग॒वि॒ सू॒रश्च॑क्रं॒ हि॒र॒ण्य॒यम् ।
 न्यै॒रय॑द्रथी॒तमः ॥ ६.०५६.०३
 यद॒द्य त्वा॑ पुरु॒ष्टुत॑ ब्र॒वाम॑ द॒स्र म॒न्तु॒मः ।
 तत्सु॑ नो॒ म॒न्म सा॒धय ॥ ६.०५६.०४
 इ॒मं च॑ नो॒ ग॒वेष॑णं॒ सा॒तये॑ सी॒षधो॑ ग॒णम् ।
 आ॒रा॒त्पू॒षन्न॑सि श्रुतः ॥ ६.०५६.०५
 आ ते॑ स्व॒स्ति॒मी॒मह॑ आ॒रे॒अ॒घा॒मु॒पा॒व॒सु॒म् ।
 अ॒द्या च॑ स॒र्व॒ता॒तये॑ श्वश्च॒ स॒र्व॒ता॒तये ॥ ६.०५६.०६
 इन्द्रा॑ नु पू॒षणा॑ व॒यं स॒ख्याय॑ स्व॒स्तये॑ ।
 हु॒वे॒म वा॒जसा॑तये ॥ ६.०५७.०१
 सो॒म॒म॒न्य उ॒पा॒सद॑त्पा॒तवे॑ च॒म्बोः सु॒तम् ।
 क॒र॒म्भ॒म॒न्य इ॒च्छ॑ति ॥ ६.०५७.०२
 अ॒जा अ॒न्य॒स्य व॒ह्यो ह॑री॒ अ॒न्य॒स्य स॒म्भृ॑ता ।
 ता॒भ्यां वृ॒त्राणि॑ जिघ्रते ॥ ६.०५७.०३
 यदिन्द्रो॑ अ॒नय॑द्रि॒तो म॒ही॒र॒पो वृष॑न्तमः ।
 तत्र॑ पू॒षा॒भ॒व॒त्स॒चा ॥ ६.०५७.०४
 तां पू॒ष्णः सु॒म॒तिं व॒यं वृ॒क्ष॒स्य प्र॑ व॒यामि॑व ।
 इन्द्र॑स्य॒ चा र॒भाम॑हे ॥ ६.०५७.०५
 उ॒त्पू॒षणं॑ यु॒वाम॑हेऽभी॒शू॒रि॒व सा॒रथिः॑ ।

महा इन्द्रं स्वस्तये ॥ ६.०५७.०६

शुक्रं ते अन्यद्यजतं ते अन्यद्विषुरूपे अहनी द्यौरिवासि ।

विश्वा हि माया अवसि स्वधावो भद्रा ते पूषन्निह रातिरस्तु ॥ ६.०५८.०१

अजाश्वः पशुपा वाजपस्त्यो धियंजिन्वो भुवने विश्वे अपितः ।

अष्टा पूषा शिथिरामुद्धरीवृजत्संचक्षणो भुवना देव ईयते ॥ ६.०५८.०२

यास्ते पूषन्नावो अन्तः समुद्रे हिरण्ययीरन्तरिक्षे चरन्ति ।

ताभिर्यासि दूत्यां सूर्यस्य कामेन कृतं श्रव इच्छमानः ॥ ६.०५८.०३

पूषा सुबन्धुर्दिव आ पृथिव्या इळस्पतिर्मघवा दस्मवर्चाः ।

यं देवासो अददुः सूर्याये कामेन कृतं तवसं स्वञ्चम् ॥ ६.०५८.०४

प्र नु वोचा सुतेषु वां वीर्यां३ यानि चक्रथुः ।

हतासो वां पितरो देवशत्रव इन्द्राग्नी जीवथो युवम् ॥ ६.०५९.०१

बळित्था महिमा वामिन्द्राग्नी पनिष्ठ आ ।

समानो वां जनिता भ्रातरा युवं यमाविहेहमातरा ॥ ६.०५९.०२

ओकिवांसा सुते सचाँ अश्वा सप्ती इवादने ।

इन्द्रा न्व१ग्नी अवसेह वज्रिणा वयं देवा हवामहे ॥ ६.०५९.०३

य इन्द्राग्नी सुतेषु वां स्तवत्तेष्वृतावृधा ।

जोषवाकं वदतः पन्नहोषिणा न देवा भसथश्चन ॥ ६.०५९.०४

इन्द्राग्नी को अस्य वां देवौ मर्तश्चिकेतति ।

विषूचो अश्वान्युयुजान ईयत एकः समान आ रथे ॥ ६.०५९.०५

इन्द्राग्नी अपादियं पूर्वागात्पद्वतीभ्यः ।

हित्वी शिरो जिह्वया वावदच्चरत्रिंशत्पदा न्यक्रमीत् ॥ ६.०५९.०६

इन्द्राग्नी आ हि तन्वते नरो धन्वानि बाह्वोः ।

मा नो अस्मिन्महाधने परा वर्त्तं गविष्टिषु ॥ ६.०५९.०७

इन्द्राग्नी तपन्ति माघा अर्यो अरातयः ।

अप द्वेषांस्या कृतं युयुतं सूर्यादधि ॥ ६.०५९.०८

इन्द्राग्नी युवोरपि वसु दिव्यानि पार्थिवा ।

आ न इह प्र यच्छतं रयिं विश्वायुपोषसम् ॥ ६.०५९.०९

इन्द्राग्नी उक्थवाहसा स्तोमेभिर्हवनश्रुता ।
 विश्वाभिर्गीर्भिरा गतमस्य सोमस्य पीतये ॥ ६.०५९.१०
 श्रथद्वृत्रमुत सनोति वाजमिन्द्रा यो अग्नी सहुरी सपर्यात् ।
 इरज्यन्ता वसव्यस्य भूरः सहस्तमा सहसा वाजयन्ता ॥ ६.०६०.०१
 ता योधिष्टमभि गा इन्द्र नूनमपः स्वरुषसो अग्र ऊक्त्वाः ।
 दिशः स्वरुषस इन्द्र चित्रा अपो गा अग्ने युवसे नियुत्वान् ॥ ६.०६०.०२
 आ वृत्रहणा वृत्रहभिः शुष्मैरिन्द्र यातं नमोभिरग्ने अर्वाक् ।
 युवं राधोभिरकवेभिरिन्द्राग्ने अस्मे भवतमुत्तमेभिः ॥ ६.०६०.०३
 ता हुवे ययोरिदं पप्रे विश्वं पुरा कृतम् ।
 इन्द्राग्नी न मर्धतः ॥ ६.०६०.०४
 उग्रा विघनिना मृध इन्द्राग्नी हवामहे ।
 ता नो मृळात ईदृशे ॥ ६.०६०.०५
 हतो वृत्राण्यायां हतो दासानि सत्पती ।
 हतो विश्वा अप द्विषः ॥ ६.०६०.०६
 इन्द्राग्नी युवामिमेऽभि स्तोमा अनूषत ।
 पिबतं शम्भुवा सुतम् ॥ ६.०६०.०७
 या वां सन्ति पुरुस्पृहो नियुतो दाशुषे नरा ।
 इन्द्राग्नी ताभिरा गतम् ॥ ६.०६०.०८
 ताभिरा गच्छतं नरोपेदं सवनं सुतम् ।
 इन्द्राग्नी सोमपीतये ॥ ६.०६०.०९
 तमीळिष्व यो अर्चिषा वना विश्वा परिष्वजत् ।
 कृष्णा कृणोति जिह्वया ॥ ६.०६०.१०
 य इद्ध आविवासति सुम्रमिन्द्रस्य मर्त्यः ।
 द्युम्नाय सुतरा अपः ॥ ६.०६०.११
 ता नो वाजवतीरिष आशून्पितृमर्वतः ।
 इन्द्रमग्निं च वोक्त्वे ॥ ६.०६०.१२
 उभा वामिन्द्राग्नी आहवध्या उभा राधसः सह मादयध्वै ।

उभा दाताराविषां रयीणामुभा वाजस्य सातये हुवे वाम् ॥ ६.०६०.१३
 आ नो गव्येभिरश्वैर्वसव्यैरुप गच्छतम् ।
 सखायौ देवौ सख्याय शम्भुवेन्द्राग्नी ता हवामहे ॥ ६.०६०.१४
 इन्द्राग्नी शृणुतं हवं यजमानस्य सुन्वतः ।
 वीतं हव्यान्या गतं पिबतं सोम्यं मधु ॥ ६.०६०.१५
 इयमददाद्रभसमृणच्युतं दिवोदासं वध्यश्वाय दाशुषे ।
 या शश्वन्तमाचखादावसं पणिं ता ते दात्राणि तविषा सरस्वति ॥ ६.०६१.०१
 इयं शुष्मेभिर्बिसखा इवारुजत्सानु गिरीणां तविषेभिरूमिभिः ।
 पारावतघ्नीमवसे सुवृक्तिभिः सरस्वतीमा विवासेम धीतिभिः ॥ ६.०६१.०२
 सरस्वति देवनिदो नि बर्हय प्रजां विश्वस्य बृसयस्य मायिनः ।
 उत क्षितिभ्योऽवनीरविन्दो विषमेभ्यो अस्रवो वाजिनीवति ॥ ६.०६१.०३
 प्र णो देवी सरस्वती वाजिभिर्वाजिनीवती ।
 धीनामवित्र्यवतु ॥ ६.०६१.०४
 यस्त्वा देवि सरस्वत्युपब्रूते धने हिते ।
 इन्द्रं न वृत्रतूर्ये ॥ ६.०६१.०५
 त्वं देवि सरस्वत्यवा वाजेषु वाजिनि ।
 रदा पूषेव नः सनिम् ॥ ६.०६१.०६
 उत स्या नः सरस्वती घोरा हिरण्यवर्तनिः ।
 वृत्रघ्नी वष्टि सुष्टुतिम् ॥ ६.०६१.०७
 यस्या अनन्तो अहृतस्त्वेषश्चरिष्णुरर्णवः ।
 अमश्चरति रोरुवत् ॥ ६.०६१.०८
 सा नो विश्वा अति द्विषः स्वसृरन्या ऋतावरी ।
 अतन्नहेव सूर्यः ॥ ६.०६१.०९
 उत नः प्रिया प्रियासु सप्तस्वसा सुजुष्टा ।
 सरस्वती स्तोम्या भूत् ॥ ६.०६१.१०
 आपप्रुषी पार्थिवान्युरु रजो अन्तरिक्षम् ।
 सरस्वती निदस्पातु ॥ ६.०६१.११

त्रिषधस्था सप्तधातुः पञ्च जाता वर्धयन्ती ।
 वाजेवाजे हव्या भूत् ॥ ६.०६१.१२
 प्र या महिम्ना महिनासु चेकिते द्युम्नेभिरन्या अपसामपस्तमा ।
 रथ इव बृहती विभ्वने कृतोपस्तुत्या चिकितुषा सरस्वती ॥ ६.०६१.१३
 सरस्वत्यभि नो नेषि वस्यो माप स्फरीः पयसा मा न आ धक् ।
 जुषस्व नः सख्या वेश्या च मा त्वत्क्षेत्राण्यरणानि गन्म ॥ ६.०६१.१४
 स्तुषे नरा दिवो अस्य प्रसन्ताश्विना हुवे जरमाणो अकैः ।
 या सद्य उस्ना व्युषि ज्मो अन्तान्युयूषतः पर्युरू वरांसि ॥ ६.०६२.०१
 ता यज्ञमा शुचिभिश्चक्रमाणा रथस्य भानुं रुरुचू रजोभिः ।
 पुरू वरांस्यमिता मिमानापो धन्वान्यति याथो अन्नान् ॥ ६.०६२.०२
 ता ह त्यद्वर्तिर्यदरध्रमुग्रेत्था धिय ऊहथुः शश्वदश्वैः ।
 मनोजवेभिरिषिरैः शयध्यै परि व्यथिर्दाशुषो मर्त्यस्य ॥ ६.०६२.०३
 ता नव्यसो जरमाणस्य मन्मोप भूषतो युयुजानसती ।
 शुभं पृक्षमिषमूर्जं वहन्ता होता यक्षत्प्रत्नो अध्रुग्युवाना ॥ ६.०६२.०४
 ता वल्नू दस्त्रा पुरुशाकतमा प्रत्ना नव्यसा वचसा विवासे ।
 या शंसते स्तुवते शम्भविष्ठा बभूवतुर्गृणते चित्रराती ॥ ६.०६२.०५
 ता भुज्युं विभिरद्भ्यः समुद्रात्तुग्रस्य सूनुमूहथु रजोभिः ।
 अरेणुभिर्योजनेभिर्भुजन्ता पतत्रिभिरर्णसो निरुपस्थात् ॥ ६.०६२.०६
 वि जयुषा रथ्या यातमद्रिं श्रुतं हवं वृषणा वध्निमत्याः ।
 दशस्यन्ता शयवे पिप्यथुर्गामिति च्यवाना सुमतिं भुरण्यू ॥ ६.०६२.०७
 यद्रोदसी प्रदिवो अस्ति भूमा हेळो देवानामुत मर्त्यत्रा ।
 तदादित्या वसवो रुद्रियासो रक्षोयुजे तपुरघं दधात ॥ ६.०६२.०८
 य ई राजानावृतुथा विदधद्रजसो मित्रो वरुणश्चिकेतत् ।
 गम्भीराय रक्षसे हेतिमस्य द्रोघाय चिद्वचस आनवाय ॥ ६.०६२.०९
 अन्तरैश्चक्रैस्तनयाय वर्तिर्द्युमता यातं नृवता रथेन ।
 सनुत्येन त्यजसा मर्त्यस्य वनुष्यतामपि शीर्षा ववृक्तम् ॥ ६.०६२.१०
 आ परमाभिरुत मध्यमाभिर्नियुद्धिर्यातमवमाभिरर्वाक् ।

दृ॒व्हस्य॑ चि॒द्रोम॑तो वि ब्र॒जस्य॑ दुरो॑ वर्तं गृण॑ते चि॒त्ररा॑ती ॥ ६.०६२.११
 क्व॑ त्या व॒ल्गू पुरु॑हताद्य दू॒तो न स्तोमो॑ऽविदन्नम॑स्वान् ।
 आ यो अ॒र्वाङ्गा॑सत्या वव॑र्त प्रे॒ष्ठा ह्यस॑थो अस्य॑ मन्मन् ॥ ६.०६३.०१
 अर॑ मे गन्तं ह॒वनाया॑स्मै गृणा॑ना यथा पि॒बाथो॑ अन्धः ।
 परि॑ ह॒ त्यद्व॑र्तियाथो रिषो॑ न यत्परो॑ नान्तरस्तु॒तुर्यात् ॥ ६.०६३.०२
 अका॑रि वाम॒न्धसो॑ वरी॒मन्न॑स्तारि ब॒र्हिः सु॑प्रायण॑तमम् ।
 उ॒त्तान॑हस्तो यु॒वयु॑र्वव॒न्दा वां नक्ष॑न्तो अ॒द्रय॑ आञ्जन् ॥ ६.०६३.०३
 ऊ॒र्ध्वो वाम॑ग्रि॒रध्वे॑ष्वस्था॒त्प्र रा॑तिरेति॒ जूर्णि॑नी घृ॒ताची॑ ।
 प्र होता॑ गूर्त॒मना॑ उ॒राणो॑ऽयुक्त॒ यो ना॑सत्या॒ हवी॑मन् ॥ ६.०६३.०४
 अधि॑ श्रिये दु॒हिता॑ सूर्य॒स्य रथं॑ तस्थौ पुरु॒भुजा॑ श॒तोति॑म् ।
 प्र मा॒याभि॑र्मायि॒ना भू॑तम॒न्न नरा॑ नृ॒तू जनि॑मन्य॒ज्ञियाना॑म् ॥ ६.०६३.०५
 यु॒वं श्री॑भिर्द॒र्शता॑भि॒राभिः॑ शु॒भे पु॑ष्टि॒मूहथुः॑ सूर्या॒याः ।
 प्र वां वयो॑ वपु॒षेऽनु॑ प॒त्नन्न॑क्ष॒द्वाणी॑ सु॒ष्टृता॑ धि॒ष्ण्या वाम् ॥ ६.०६३.०६
 आ वां वयो॑ऽश्वासो॒ वहि॑ष्ठा अ॒भि प्र॑यो नासत्या॒ वहन्तु॑ ।
 प्र वां रथो॑ मनो॒जवा॑ अस॒र्जीषः॑ पृ॒क्ष इ॒षिधो॑ अनु॒ पूर्वीः ॥ ६.०६३.०७
 पुरु॑ हि वां पुरु॒भुजा॑ दे॒ष्णं धे॑नुं न इ॒षं पि॒न्वत॑मस॒क्राम् ।
 स्तु॒तश्च वां मा॒ध्वी सु॑ष्टृतिश्च॒ रसा॑श्च॒ ये वाम॑नु॒ राति॑मग॒मन् ॥ ६.०६३.०८
 उ॒त म॑ ऋ॒त्रे पुर॑यस्य॒ रध्वी॑ सु॒मीळ्हे॑ श॒तं पे॑रु॒के च॑ प॒क्का ।
 शा॒ण्डो दा॑द्धि॒रणि॑नः॒ स्मद्वि॑ष्टी॒न्दश॑ वशा॒सो अ॑भि॒षाच॑ ऋ॒ष्वान् ॥ ६.०६३.०९
 सं वां श॒ता ना॑सत्या॒ सह॑स्राश्चानां॒ पुरु॑प॒न्था गि॑रे॒ दात् ।
 भ॒रद्वा॑जाय॒ वीर॑ नू गि॒रे दा॑द्धता॒ रक्षा॑सि पुरु॒दंस॑सा स्युः ॥ ६.०६३.१०
 आ वां सु॒म्ने व॑रि॒मन्सूरि॑भिः॒ प्याम् ॥ ६.०६३.११
 उ॒दु श्रि॑य उ॒षसो॑ रोच॒माना॑ अ॒स्थुर॑पां नो॒र्मयो॑ रुश॒न्तः ।
 कृ॒णोति॑ वि॒श्वा सु॑पथा॒ सुगा॑न्यभू॒दु व॑स्वी दक्षि॒णा म॑घो॒नी ॥ ६.०६४.०१
 भ॒द्रा द॑दृक्ष उ॒र्विया॑ वि भा॒स्यु॑त्ते शो॒चिर्भा॑नवो॒ द्याम॑प॒त्नन् ।
 आ॒विर्व॑क्षः कृणु॒षे शु॑म्भ॒मानो॑षो॒ देवि॑ रोच॒माना॑ महो॒भिः ॥ ६.०६४.०२
 वह॑न्ति सीम॒रुणा॑सो॒ रुश॑न्तो॒ गावः॑ सु॒भगा॑मु॒र्विया॑ प्र॒थाना॑म् ।

अपेजते शूरो अस्तेव शत्रून्बाधते तमो अजिरो न वोक्त्वा ॥ ६.०६४.०३
 सुगोत ते सुपथा पर्वतेष्ववाते अपस्तरसि स्वभानो ।
 सा न आ वह पृथुयामनृष्वे रयिं दिवो दुहितरिषयध्वै ॥ ६.०६४.०४
 सा वह योक्षभिरवातोषो वरं वहसि जोषमनु ।
 त्वं दिवो दुहितर्या ह देवी पूर्वहूतौ मंहना दर्शता भूः ॥ ६.०६४.०५
 उते वयश्चिद्वसतेरपसन्नरश्च ये पितुभाजो व्युष्टौ ।
 अमा सते वहसि भूरि वाममुषो देवि दाशुषे मर्त्याय ॥ ६.०६४.०६
 एषा स्या नो दुहिता दिवोजाः क्षितीरुच्छन्ती मानुषीरजीगः ।
 या भानुना रुशता राम्यास्वज्ञायि तिरस्तमसश्चिदत्तून् ॥ ६.०६५.०१
 वि तद्ययुररुणयुग्भिरश्वैश्चित्रं भान्त्युषसश्चन्द्ररथाः ।
 अग्र यज्ञस्य बृहतो नयन्तीर्वि ता बाधन्ते तम ऊर्म्यायाः ॥ ६.०६५.०२
 श्रवो वाजमिषमूर्जं वहन्तीर्नि दाशुष उषसो मर्त्याय ।
 मघोनीर्वीरवत्पत्यमाना अवो धात विधते रत्नमद्य ॥ ६.०६५.०३
 इदा हि वो विधते रत्नमस्तीदा वीराय दाशुष उषासः ।
 इदा विप्राय जरते यदुक्था नि ष्म मावते वहथा पुरा चित् ॥ ६.०६५.०४
 इदा हि त उषो अद्रिसानो गोत्रा गवामङ्गिरसो गृणन्ति ।
 व्यर्केण बिभिदुर्ब्रह्मणा च सत्या नृणामभवद्देवहृतिः ॥ ६.०६५.०५
 उच्छा दिवो दुहितः प्रत्नवन्नो भरद्वाजवद्विधते मघोनि ।
 सुवीरं रयिं गृणते रिरीह्युरुगायमधि धेहि श्रवो नः ॥ ६.०६५.०६
 वपुर्नु तच्चिकितुषे चिदस्तु समानं नाम धेनु पत्यमानम् ।
 मर्तेष्वन्यद्दोहसे पीपाय सकृच्छ्रुक्रं दुदुहे पृश्निरूधः ॥ ६.०६६.०१
 ये अग्रयो न शोशुचन्निधाना द्विर्यन्त्रिर्मरुतो वावृधन्त ।
 अरेणवो हिरण्ययास एषां साकं नृमणैः पौंस्येभिश्च भूवन् ॥ ६.०६६.०२
 रुद्रस्य ये मीळ्हुषः सन्ति पुत्रा यँश्चो नु दाधृविर्भरध्वै ।
 विदे हि माता महो मही षा सेत्पृश्निः सुभ्वे३ गर्भमाधात् ॥ ६.०६६.०३
 न य ईषन्ते जनुषोऽया न्वश्न्तः सन्तोऽवद्यानि पुनानाः ।
 निर्यद्दुहे शुचयोऽनु जोषमनु श्रिया तन्वमुक्षमाणाः ॥ ६.०६६.०४

मक्षू न येषु दोहसे चिदया आ नाम धृष्णु मारुतं दधानाः ।
न ये स्तौना अयासो महा नू चित्सुदानुरव यासदुग्रान् ॥ ६.०६६.०५
त इदुग्राः शवसा धृष्णुषेणा उभे युजन्त रोदसी सुमेके ।
अध स्मेषु रोदसी स्वशोचिरामवत्सु तस्थौ न रोकः ॥ ६.०६६.०६
अनेनो वो मरुतो यामो अस्त्वनश्वश्चिद्यमजत्यरथीः ।
अनवसो अनभीशू रजस्तूर्वि रोदसी पथ्या याति साधन् ॥ ६.०६६.०७
नास्य वर्ता न तरुता न्वस्ति मरुतो यमवथ वाजसातौ ।
तोके वा गोषु तनये यमप्सु स व्रजं दर्ता पार्ये अध द्योः ॥ ६.०६६.०८
प्र चित्रमर्कं गृणते तुराय मारुताय स्वतवसे भरध्वम् ।
ये सहासि सहसा सहन्ते रेजते अग्ने पृथिवी मखेभ्यः ॥ ६.०६६.०९
त्विषीमन्तो अध्वरस्येव दिद्युत्तृषुच्यवसो जुहोऽ न्नाग्नेः ।
अर्चत्रयो धुनयो न वीरा भ्राजञ्जन्मानो मरुतो अधृष्टाः ॥ ६.०६६.१०
तं वृधन्तं मारुतं भ्राजदृष्टिं रुद्रस्य सुनुं हवसा विवासे ।
दिवः शर्धाय शुचयो मनीषा गिरयो नाप उग्रा अस्पृधन् ॥ ६.०६६.११
विश्वेषां वः सतां ज्येष्ठतमा गीर्भिर्मित्रावरुणा वावृधध्यै ।
सं या रश्मेव यमतुर्यमिष्टा द्वा जना असमा बाहुभिः स्वैः ॥ ६.०६७.०१
इयं मद्वां प्र स्तृणीते मनीषोप प्रिया नमसा बर्हिरच्छ ।
यन्तं नो मित्रावरुणावधृष्टं छुर्दिर्यद्वां वरूथ्यं सुदानू ॥ ६.०६७.०२
आ यातं मित्रावरुणा सुशस्त्युप प्रिया नमसा ह्यमाना ।
सं यावप्रःस्थो अपसेव जनाञ्छुधीयतश्चिद्यतथो महित्वा ॥ ६.०६७.०३
अश्वा न या वाजिना पूतबन्धू ऋता यद्गर्भमदितिर्भरध्यै ।
प्र या महि महान्ता जायमाना घोरा मर्ताय रिपवे नि दीधः ॥ ६.०६७.०४
विश्वे यद्वां मंहना मन्दमानाः क्षत्रं देवासो अदधुः सजोषाः ।
परि यद्भूथो रोदसी चिदुर्वी सन्ति स्पशो अदब्धासो अमूराः ॥ ६.०६७.०५
ता हि क्षत्रं धारयेथे अनु द्यून्दहेथे सानुमुपमादिव द्योः ।
दृह्वो नक्षत्र उत विश्वदेवो भूमिमातान्द्यां धासिनायोः ॥ ६.०६७.०६
ता विग्रं धैथे जठरं पृणध्या आ यत्सद्यः सभृतयः पृणन्ति ।

न मृष्यन्ते युवतयोऽवाता वि यत्पयो विश्वजिन्वा भरन्ते ॥ ६.०६७.०७
 ता जिह्वया सदमेदं सुमेधा आ यद्वा सत्यो अरतिर्ऋते भूत् ।
 तद्वा महित्वं घृतात्रावस्तु युवं दाशुषे वि चयिष्टमंहः ॥ ६.०६७.०८
 प्र यद्वा मित्रावरुणा स्पूर्धन्प्रिया धाम युवधिता मिनन्ति ।
 न ये देवास ओहसा न मर्ता अयज्ञसाचो अप्यो न पुत्राः ॥ ६.०६७.०९
 वि यद्वाच कीस्तासो भरन्ते शंसन्ति के चिन्निविदो मनानाः ।
 आद्वा ब्रवाम सत्यान्युक्था नकिर्देवेभिर्यतथो महित्वा ॥ ६.०६७.१०
 अवोरित्था वा छर्दिषो अभिष्टौ युवोमित्रावरुणावस्कृधोयु ।
 अनु यद्वावः स्फुरानृजिप्यं धृष्णं यद्रणे वृषणं युनजन् ॥ ६.०६७.११
 श्रुष्टी वा यज्ञ उद्यतः सजोषा मनुष्वद्वृक्तबर्हिषो यजध्वै ।
 आ य इन्द्रावरुणाविषे अद्य महे सुम्नाय मह आववर्तत् ॥ ६.०६८.०१
 ता हि श्रेष्ठा देवताता तुजा शूराणां शविष्ठा ता हि भूतम् ।
 मघोनां महिष्ठा तुविशुष्म ऋतेन वृत्रतुरा सर्वसेना ॥ ६.०६८.०२
 ता गृणीहि नमस्येभिः शूषैः सुम्नेभिरिन्द्रावरुणा चकाना ।
 वज्रेणान्यः शवसा हन्ति वृत्रं सिषत्तद्यन्यो वृजनेषु विप्रः ॥ ६.०६८.०३
 ग्राश्च यन्नरश्च वावृधन्त विश्वे देवासो नरां स्वगूर्ताः ।
 प्रैभ्य इन्द्रावरुणा महित्वा द्यौश्च पृथिवि भूतमुर्वी ॥ ६.०६८.०४
 स इत्सुदानुः स्ववाँ ऋतावेन्द्रा यो वा वरुण दाशति त्मन् ।
 इषा स द्विषस्तरेद्वास्वान्वंसद्रयिं रयिवतश्च जनान् ॥ ६.०६८.०५
 यं युवं दाश्वध्वराय देवा रयिं धत्थो वसुमन्तं पुरुक्षुम् ।
 अस्मे स इन्द्रावरुणावपि प्यात्प्र यो भनक्ति वनुषामशस्तीः ॥ ६.०६८.०६
 उत नः सुत्रात्रो देवगोपाः सूरिभ्य इन्द्रावरुणा रयिः प्यात् ।
 येषां शुष्मः पृतनासु साह्वान्प्र सद्यो द्युम्ना तिरते ततुरिः ॥ ६.०६८.०७
 नू न इन्द्रावरुणा गृणाना पृङ्गं रयिं सौश्रवसाय देवा ।
 इत्था गृणन्तो महिनस्य शर्धोऽपो न नावा दुरिता तरेम ॥ ६.०६८.०८
 प्र सम्राजे बृहते मन्म नु प्रियमर्च देवाय वरुणाय सप्रथः ।
 अयं य उर्वी महिना महिव्रतः ऋत्वा विभात्यजरो न शोचिषा ॥ ६.०६८.०९

इन्द्रावरुणा सुतपाविमं सुतं सोमं पिबतं मद्यं धृतव्रता ।
 युवो रथो अध्वरं देववीतये प्रति स्वसरमुप याति पीतये ॥ ६.०६८.१०
 इन्द्रावरुणा मधुमत्तमस्य वृष्णः सोमस्य वृषणा वृषेथाम् ।
 इदं वामन्धः परिषिक्तमस्मे आसद्यास्मिन्बर्हिषि मादयेथाम् ॥ ६.०६८.११
 सं वां कर्मणा समिषा हिनोमीन्द्राविष्णू अपसस्पारे अस्य ।
 जुषेथां यज्ञं द्रविणं च धत्तमरिष्टैर्नः पथिभिः पारयन्ता ॥ ६.०६९.०१
 या विश्वासां जमितारा मतीनामिन्द्राविष्णू कलशा सोमधाना ।
 प्र वां गिरः शस्यमाना अवन्तु प्र स्तोमासो गीयमानासो अर्कैः ॥ ६.०६९.०२
 इन्द्राविष्णू मदपती मदानामा सोमं यातं द्रविणो दधाना ।
 सं वामञ्जन्त्वक्तुभिर्मतीनां सं स्तोमासः शस्यमानास उक्थैः ॥ ६.०६९.०३
 आ वामश्वासो अभिमातिषाह इन्द्राविष्णू सधमादो वहन्तु ।
 जुषेथां विश्वा हवना मतीनामुप ब्रह्माणि शृणुतं गिरो मे ॥ ६.०६९.०४
 इन्द्राविष्णू तत्पनयाय्यं वां सोमस्य मद उरु चक्रमाथे ।
 अकृणुतमन्तरिक्षं वरीयोऽप्रथतं जीवसे नो रजासि ॥ ६.०६९.०५
 इन्द्राविष्णू हविषा वावृधानाग्राद्धाना नमसा रातहव्या ।
 घृतासुती द्रविणं धत्तमस्मे समुद्रः स्थः कलशः सोमधानः ॥ ६.०६९.०६
 इन्द्राविष्णू पिबतं मध्वो अस्य सोमस्य दस्रा जठरं पृणेशाम् ।
 आ वामन्धासि मदिराण्यग्मन्नुप ब्रह्माणि शृणुतं हव मे ॥ ६.०६९.०७
 उभा जिग्यथुर्न परा जयेथे न परा जिग्ये कतरश्चनैनोः ।
 इन्द्रश्च विष्णो यदपस्पृधेथां त्रेधा सहस्रं वि तदैरयेथाम् ॥ ६.०६९.०८
 घृतवती भुवनानामभिश्चियोर्वी पृथ्वी मधुदुधे सुपेशसा ।
 द्यावापृथिवी वरुणस्य धर्मणा विष्कभिते अजरे भूरिरेतसा ॥ ६.०७०.०१
 असश्चन्ती भूरिधारे पयस्वती घृतं दुहाते सुकृते शुचिव्रते ।
 राजन्ती अस्य भुवनस्य रोदसी अस्मे रेतः सिञ्चतं यन्मनुर्हितम् ॥ ६.०७०.०२
 यो वामुजवे क्रमणाय रोदसी मतो ददाश धिषणे स साधति ।
 प्र प्रजाभिर्जायते धर्मणस्परि युवोः सिक्ता विपुरूपाणि सप्रता ॥ ६.०७०.०३
 घृतेन द्यावापृथिवी अभीवृते घृतश्रिया घृतपृचा घृतावृधा ।

उर्वी पृथ्वी होतुवूये पुरोहिते ते इद्विप्रा ईळते सुम्रमिष्टये ॥ ६.०७०.०४
 मधु नो द्यावापृथिवी मिमिक्षतां मधुश्चुता मधुदुधे मधुव्रते ।
 दधाने यज्ञं द्रविणं च देवता महि श्रवो वाजमस्मे सुवीर्यम् ॥ ६.०७०.०५
 ऊर्जं नो द्यौश्च पृथिवी च पिन्वतां पिता माता विश्वविदा सुदंससा ।
 संरराणे रोदसी विश्वशम्भुवा सनिं वाजं रयिमस्मे समिन्वताम् ॥ ६.०७०.०६
 उदु ष्य देवः सविता हिरण्यया बाहू अयंस्त सवनाय सुक्रतुः ।
 घृतेन पाणी अभि प्रुष्णुते मखो युवा सुदक्षो रजसो विधर्मणि ॥ ६.०७१.०१
 देवस्य वयं सवितुः सवीमनि श्रेष्ठे स्याम वसुनश्च दावने ।
 यो विश्वस्य द्विपदो यश्चतुष्पदो निवेशने प्रसवे चासि भूमनः ॥ ६.०७१.०२
 अदब्धेभिः सवितः पायुभिर्द्धं शिवेभिरद्य परि पाहि नो गयम् ।
 हिरण्यजिह्वः सुविताय नव्यसे रक्षा माकिर्नो अघशंस ईशत ॥ ६.०७१.०३
 उदु ष्य देवः सविता दमूना हिरण्यपाणिः प्रतिदोषमस्थात् ।
 अयोहनुर्यजतो मन्द्रजिह्व आ दाशुषे सुवति भूरि वामम् ॥ ६.०७१.०४
 उदू अयौ उपवक्तेव बाहू हिरण्यया सविता सुप्रतीका ।
 दिवो रोहास्यरुहत्पृथिव्या अरीरमत्पतयत्कच्चिदभ्वम् ॥ ६.०७१.०५
 वाममद्य सवितर्वाममु श्वो दिवेदिवे वाममस्मभ्यं सावीः ।
 वामस्य हि क्षयस्य देव भूरैरया धिया वामभाजः स्याम ॥ ६.०७१.०६
 इन्द्रासोमा महि तद्वा महित्वं युवं महानि प्रथमानि चक्रथुः ।
 युवं सूर्यं विविदथुर्युवं स्वश्र्विश्वा तमास्यहतं निदश्च ॥ ६.०७२.०१
 इन्द्रासोमा वासयथ उपासमुत्सूर्यं नयथो ज्योतिषा सह ।
 उप द्यां स्कम्भथुः स्कम्भनेनाप्रथतं पृथिवीं मातरं वि ॥ ६.०७२.०२
 इन्द्रासोमावहिमपः परिष्ठां हथो वृत्रमनु वां द्यौरमन्यत ।
 प्राणांस्यैरयतं नदीनामा समुद्राणि पप्रथुः पुरूणि ॥ ६.०७२.०३
 इन्द्रासोमा पक्कमामास्वन्तर्नि गवामिद्धथुर्वक्षणासु ।
 जग्भथुरनपिनद्धमासु रुशच्चित्रासु जगतीष्वन्तः ॥ ६.०७२.०४
 इन्द्रासोमा युवमङ्ग तरुत्रमपत्यसाचं श्रुत्य रराथे ।
 युवं शुष्मं नयं चर्षणिभ्यः सं विव्यथुः पृतनाषाहमुग्रा ॥ ६.०७२.०५

यो अद्रिभित्प्रथमजा ऋतावा बृहस्पतिराङ्गिरसो हविष्मान् ।
 द्विबर्हज्मा प्राघर्मसत्पिता न आ रोदसी वृषभो रोरवीति ॥ ६.०७३.०१
 जनाय चिद्य ईवत उ लोकं बृहस्पतिर्देवहूतौ चकार ।
 घ्नन्वृत्राणि वि पुरो दर्दरीति जयञ्छत्रूरमित्रान्पृत्सु साहन् ॥ ६.०७३.०२
 बृहस्पतिः समजयद्वसूनि महो ब्रजान्गोमतो देव एषः ।
 अपः सिषासन्स्वश्रप्रतीतो बृहस्पतिर्हन्त्यमित्रमकैः ॥ ६.०७३.०३
 सोमारुद्रा धारयेथामसुर्यं प्र वामिष्टयोऽरमश्रुवन्तु ।
 दमेदमे सप्त रत्ना दधाना शं नो भूतं द्विपदे शं चतुष्पदे ॥ ६.०७४.०१
 सोमारुद्रा वि वृहतं विषूचीममीवा या नो गयमाविवेश ।
 आरे बाधेथां निर्ऋतिं पराचैरस्मे भद्रा सौश्रवसानि सन्तु ॥ ६.०७४.०२
 सोमारुद्रा युवमेतान्यस्मे विश्वा तनूषु भेषजानि धत्तम् ।
 अव स्यतं मुञ्चतं यन्नो अस्ति तनूषु बद्धं कृतमेनो अस्मत् ॥ ६.०७४.०३
 तिग्मायुधौ तिग्महती सुशेवौ सोमारुद्राविह सु मृळतं नः ।
 प्र नो मुञ्चतं वरुणस्य पाशाद्गोपायतं नः सुमनस्यमाना ॥ ६.०७४.०४
 जीमूतस्येव भवति प्रतीकं यद्वर्मी याति समदामुपस्थे ।
 अनाविद्धया तन्वा जय त्वं स त्वा वर्मणो महिमा पिपर्तु ॥ ६.०७५.०१
 धन्वना गा धन्वनाजिं जयेम धन्वना तीव्राः समदो जयेम ।
 धनुः शत्रोरपकामं कृणोति धन्वना सर्वाः प्रदिशो जयेम ॥ ६.०७५.०२
 वक्ष्यन्तीवेदा गनीगन्ति कर्णं प्रियं सखायं परिषस्वजाना ।
 योषेव शिङ्के वितताधि धन्वञ्ज्या इयं समने पारयन्ती ॥ ६.०७५.०३
 ते आचरन्ती समनेव योषा मातेव पुत्रं बिभृतामुपस्थे ।
 अप शत्रून्विध्यतां संविदाने आर्त्नी इमे विष्फुरन्ती अमित्रान् ॥ ६.०७५.०४
 बह्वीनां पिता बहुरस्य पुत्रश्चिश्वा कृणोति समनावगत्य ।
 इषुधिः सङ्काः पृतनाश्च सर्वाः पृष्ठे निनद्धो जयति प्रसूतः ॥ ६.०७५.०५
 रथे तिष्ठन्नयति वाजिनः पुरो यत्रयत्र कामयते सुषारथिः ।
 अभीशूनां महिमानं पनायत मनः पश्चादनु यच्छन्ति रश्मयः ॥ ६.०७५.०६
 तीव्रान्योषान्कृण्वते वृषपाणयोऽश्वा रथेभिः सह वाजयन्तः ।

अवक्रामन्तः प्रपदैरमित्रान्क्षिणन्ति शत्रूरनपव्ययन्तः ॥ ६.०७५.०७
 रथवाहनं हविरस्य नाम यत्रायुधं निहितमस्य वर्म ।
 तत्रा रथमुप शग्मं सदेम विश्वाहा वयं सुमनस्यमानाः ॥ ६.०७५.०८
 स्वादुषंसदः पितरो वयोधाः कृच्छ्रेश्रितः शक्तीवन्तो गभीराः ।
 चित्रसेना इषुबला अमृध्राः सतोवीरा उरवो व्रातसाहाः ॥ ६.०७५.०९
 ब्राह्मणासः पितरः सोम्यासः शिवे नो द्यावापृथिवी अनेहसा ।
 पूषा नः पातु दुरितादृतावृधो रक्षा माकिर्नो अघशंस ईशत ॥ ६.०७५.१०
 सुपर्ण वस्ते मृगो अस्या दन्तो गोभिः संनद्धा पतति प्रसूता ।
 यत्रा नरः सं च वि च द्रवन्ति तत्रास्मभ्यमिषवः शर्म यंसन् ॥ ६.०७५.११
 ऋजीते परि वृद्धि नोऽश्मा भवतु नस्तनूः ।
 सोमो अधि ब्रवीतु नोऽदितिः शर्म यच्छतु ॥ ६.०७५.१२
 आ जङ्घन्ति सान्वेषां जघनोँ उप जिघ्रते ।
 अश्वाजनि प्रचेतसोऽश्वान्समत्सु चोदय ॥ ६.०७५.१३
 अहिरिव भोगैः पर्येति बाहुं ज्याया हेतिं परिबाधमानः ।
 हस्तघ्नो विश्वा वयुनानि विद्वान्पुमान्पुमांसं परि पातु विश्वतः ॥ ६.०७५.१४
 आलाक्ता या रुरुशीर्ष्यथो यस्या अयो मुखम् ।
 इदं पर्जन्यरेतस इष्वै देव्यै बृहन्नमः ॥ ६.०७५.१५
 अवसृष्टा परा पत शरव्ये ब्रह्मसंशिते ।
 गच्छामित्रान्प्र पद्यस्व मामीषां कं चनोच्छिषः ॥ ६.०७५.१६
 यत्र बाणाः सम्पतन्ति कुमारा विशिखा इव ।
 तत्रा नो ब्रह्मणस्पतिरदितिः शर्म यच्छतु विश्वाहा शर्म यच्छतु ॥ ६.०७५.१७
 मर्माणि ते वर्मणा ह्यादयामि सोमस्त्वा राजामृतेनानु वस्ताम् ।
 उरोर्वरीयो वरुणस्ते कृणोतु जयन्तं त्वानु देवा मदन्तु ॥ ६.०७५.१८
 यो नः स्वो अरणो यश्च निष्ठो जिघांसति ।
 देवास्तं सर्वे धूर्वन्तु ब्रह्म वर्म ममान्तरम् ॥ ६.०७५.१९

Last updated July 2, 2013

Special mention : Initial processing and help by Avinash and Shashi Sathaye,

Avinash Chopde, Shree Devi Kumar, Sunder Hattangadi, John Gardner.

Reprocessed from Original in final form by Detlef Eichler with additional corrections.

See Detlef's site <http://www.detlef108.de/Rigvedatm>

for other details and formats.

The text is shown with accents (Anudattas, dependent Svaritas, and independent Svaritas including Kampas). Words are connected (agnimILe).

Ch is doubled as in gachChati according to the rules of Rigveda-Pratishakhya.

At the end of a word m is replaced by Anusvara M if the initial letter of the following word is a labial stop consonant (p, ph, b, bh, m).

Visarga H before sh, Sh or s followed by a voiceless consonant has been restored.

Source : The Aufrecht/van Nooten/Holland (Samhita) version of the Rigveda (<http://www.people.fasarvard.edu/witzel/onlineRVtm>).

In this text accented vowels have Udatta or 'independent Svarita' markers.

Kampas are not shown. Words are separated (agnim ILe).

Ch is not doubled as in gaChati. At the end of a word we find m before a following labial stop consonant (p, ph, b, bh, m).

Visarga H before sh, Sh or s followed by a voiceless consonant has been dropped according to a rule of Rigveda-Pratishakhya.

Send corrections to : detlefeichler@googlemail.com, sanskrit@cheerful.com

Rigveda Mandala 6

pdf was typeset on January 21, 2023

Please send corrections to sanskrit@cheerful.com

